


20
21
22
23
24
25
26
27
28
29
30
31
32
33
34
35
36
37
38
39
40
41
42
43
4

5130
854
30 = 25



13982

金石萃編卷六十九

賜進士出身 誥授光祿大夫刑部右侍郎加七級王和謨

唐二十九

蘇瓌碑


碑連額高一丈二尺六寸廣四尺七寸六分二十八
行行六十字 隸書額題唐故司空文貞公蘇府君之
碑十二字篆
書在武功縣

唐故尚書左僕射太子少傅贈司空荊州大都督蘇文

貞公神道碑

范陽張說撰銘

盧藏用撰序并書



維唐景雲元年歲在庚戌十一月己巳太子少傅許國

蘇公薨于崇仁里之私第春秋七十有二嗚呼哀哉粵

明年三月己酉制葬我公于武功之先塋禮也公諱

瓌字昌容京兆武功人其先直自帝高陽襲麴曰黎實

勤火正逮昆吾之子始封於蘇以國受氏公其後也監

漢平陵侯子建安侍中嘉魏侍中則晉尚書遜口聯華

國圖代載明德公高祖周度支尚書邳國公諱綽立言

成務垂於後昆公曾祖隨尚書右僕射開府儀同三司

邳國公諱威嘉暮成績懿于當代大父隨尚書職方郎

鴻臚卿諱夔理綜羣品識覃衆妙烈考秘書丞池台二

州刺史口岐州刺史諱實遊藝聚學素風不隕公系上

聖之遐緒鍾盛德之泉茂資元和以體仁穌清明以成

美初孩而孤稟絳郡夫人之慈訓幼而岐嶷聰敏冠常

珥讀山棲志覽便誦及長博緯經文尤善屬詞年十

八進士高第補寧州叅軍轉恒州司灋丁絳郡夫人憂

自中山涉襄既從至京兆哭不絕聲性以禮危形以哀

瘠左庶子張夫安以孝悌上聞服闋拜恭陵丞轉相府

錄事叅軍上改封豫官亦隨府上卽帝位拜朝散

大夫尚書水部員外郎未幾兼侍御史淮南廉按俄拜

夏官員外兼官尹丞歷水部祠部郎中兼判司禮事以

親聯出爲朗州刺史轉欽州刺史并州武興令檢校冀
州刺史累遷汾鼎同汴揚陝以累最入爲尚書右丞加

銀青光祿大夫遷尚書左丞戶部尚書又拜侍中京師

畱守兼理冤滯車駕還京持節河北按撫加金紫光

祿大夫轉吏部尚書東都畱守尋復還守本職延拜尚

書右僕射同中書門下三品封許國公監修國史今

上踐祚拜尚書左僕射屢充詞乞骸優答不許拜太子

少傅公有子七人長子頴字庭碩歷給事中中書舍人

修文館學士太常少卿口掌綸詰與公聯侍紫墀接

機黃閣前後之拜近古未有公體道貞固立心簡直多

識前言通詳舊事自周隨損益家牒可紀公則紹之罔

不畢綜故閨門之內孝悌成則朋友之開忠信官舉其

在叅佐也婉變柔嘉醜夷不爭其事潛邸也從容諷議

賓僚是仰四爲郎而彌綸之功布于省閭九爲牧而循

良之績著于州郡周旋二轄焯耀文昌迴翔兩宮輝爍

巖廟版圖國之信而五教在寬家宰人之紀而九流式

叙左右端揆蓋許謨之略東西掖闈備忠讜之美德逾

盛而心益下位彌大而行益恭用能高而不危長守富

賢考父三命謙光以朝平仲一心中孚累聖非至德淑

慎疇至此哉夫其仁恕篤密清廉簡惠躬儉約以自持

蹈名教以檢物祿以周急不積於家財以睦親必均於
眾故義廣而私謁之途阻名揚而兼濟之道宣亦叔敖

之賢國僑之懿也幾深通志精晤默識文以躡實靡徇

其華學以辯微固信於己故始終機揆舉無遺策斯又

子房之智孔明之能也造膝沃心務存匡救引過稱善

不近於名故聲聞于天而口無擇績宣於外而事罔專

蓋村子之仁孔光之慎也兼斯眾善以會明德方將三

階載理前官更曜天命不祐奄忽遷殂朝喪其楨人殞

所戴 天子悼焉遣太府卿李從遠持書弔祭輟朝三

日有司備禮發哀追贈司空荊州大都督賻絹布八百

段粟米八百石凶事葬事竝官給賜東園秘器大鴻臚

監護將作立碑太常考行謚曰文貞禮也皇太子別

次發哀遣洗馬弔祭賻物二百段祖載之日口口口官

口口于開遠門外別遣左常侍徐口宣旨送于郊口

令遣洗馬如初禮官臣已下畢赴朱旂載路班劔啟行

哀榮之禮備矣諸侯之孝終矣公家代尚儉載在縑竹

其生也堂無宴客門無立嬪其終也塋無樹隧無碑表

大漸之始遵令遵行公卿暨親戚贈襚弔祭一無所受

周身之外唯口車一乘頰等泣血受命罔有踰越雖迫

朝旨不旌墳曠建碑於塋北一十五里故臨大節而

不奪見大義而能勇經緯之迹文藝之行備于國章布
在人口懼違先訓皆略而不書中書侍郎同中書門下

平章事口文館學士兼修國史皇太子侍讀范陽張說

雅俗之鎮具瞻令德文章之雄談者為措偉公道德之

首徽猷可行刊石紀頌詞如清風其辭曰

斤斤蘇公體正含道稟靈淳粹為唐元老忠以衛主孝

以立身文以經國惠以安人同牧九郡九郡惟靜平章

百工百工爰整千載典憲三朝綱領上續先人五代相

國下垂餘慶七子令德帝謂庭頌伊公是似接待玉

墀序拜金肥聯華疊潤佐我天子於戲彼蒼國餘云亡

地類五嶽天

圻三光備禮葬羣官會喪掌史司德刊

銘路旁

關西道雍州武功縣蘇許公墓在縣西一十里蘇村

神道碑存太平寰宇記

蘇許公瓌武功人景雲元年十一月葬于武功碑隸

書剝蝕過半存者才十三書法猶有漢魏遺意金石

略云盧藏用書而金石錄云藏用撰書攷文苑英華

藏用撰序張說撰銘今碑后猶有范陽張說字鄭趙

三公未見耶石梁鐫華

碑已漫滅存八百餘字金石文字記云盧藏用序

八分書張說銘景雲元年十一月石墨鑄華云碑後
有范陽張說字今碑中猶隱隱可讀

雍州金石記

碑文與唐書本傳並合惟神龍初爲尚書右丞後曾
封懷縣男碑不及之耳

關中金石記

右司空蘇瓌碑首行漫漶篆額廿二字特完好其文
云維唐景雲元年歲在庚戌太子少傅許國蘇公薨
于崇仁里之私第舉明年三月己酉葬我公于武功
之先塋趙德甫金石錄題爲景雲元年十一月蓋未
檢其全文也文苑英華曾載此文以石文按之頗多
異同如曾祖隋尚書右僕射開府儀同三司雍州牧

諱威石刻作邳國公不作雍州牧大父隋職方郎中
石刻無中字攷隋文帝父諱忠故改中書爲內史諸
曹郎皆去中字不當稱郎中蘇威亦未爲雍州牧皆
石本之可信者又碑稱中書侍郎同中書門下平章
事范陽張公石刻平章事之下又有昭文館學士兼
修國史皇太子侍讀十四字攷唐史中宗朝張說以
兵部侍郎兼修文館學士至是爲宰相仍領學士昭
文館卽修文改名也宰相世系表蘇氏魏都亭剛侯
則第三子邁八世孫綽此碑述其先世有魏侍中則
晉尚書遜遜與邁古字通碑稱瓌有子七人銘詞亦

有七子令德之語今攷世系表止有六人蓋史之漏
潛研堂金石文跋尾

按此碑文約千五百餘字存者千二百餘字較石
墨鐫華云存者才十三固已倍其二卽雍州金石
記云存八百餘字亦增多三之一也銘序二人分
撰而張說撰銘則署里貫曰范陽盧藏用撰序并
書而不自署其實至張說官階藏用詳載序中而
藏用歷官亦不自署以傳考之乃幽州范陽人景
龍中爲吏部侍郎又遷黃門侍郎兼昭文館學士
轉工部侍郎尙書右丞也又碑有額而不題篆者
姓名文首叙卒葬年月而後述公之諱字先世及
生平事實皆例之別者也文有云粵明年三月己
酉葬我公于武功之先塋今搨本已泐諸家皆未
見惟潛研堂跋有之文云先世自帝高陽下始封
于蘇以國受氏唐書宰相世系表蘇氏出自己姓
額頊裔孫昆吾之子封於蘇其地鄴西蘇城是也
通志氏族畧亦同按黃帝有熊氏姓公孫長子姬
水又以姬爲姓子名摯姓己是爲少昊金天氏其
弟昌意生子曰顓頊高陽氏姓姬今碑云自帝高
陽則當云出自姬姓若出自己姓則當自帝少昊

矣至碑云以國受氏而氏族畧列于以邑爲氏條
下想國與邑亦可通稱也碑云建安侍中嘉魏侍
中則晉尚書遼嶠華國圖代載明德世系表漢代
郡太守建自武功杜陵徙扶風平陵三子長子嘉
官奉車都尉碑作侍中七世孫南陽太守中陵鄉侯純
生章官并州刺史章五世孫魏東平相碑作侍中都亭
剛侯則四子第三子通碑作晉尚書八世孫綽周度支
尚書邳公碑作同生威隋左僕射房公碑作尚書右僕射開府儀同三
司到此碑與表之五異者也嘉後漢書無傳則三
國魏書有傳字文師起家爲酒泉太守轉安定武

都通河西道徙爲金城太守文帝時加護羌尉賜
爵關內侯河西平還金城進封都亭侯徵拜侍中
黃初四年左遷東平相末至薨謚曰剛侯是表載
最後之官碑則紀身任之職也遼晉書無傳高祖
綽周書傳字令綽周太祖名爲行臺郎中除著作
佐郎拜大行臺左丞大統四年加衛將軍右光祿
大夫封美陽子加通直散騎常侍進爵爲伯十年
授大行臺度支尚書領著作兼司農卿十二年卒
于位子威嗣襲爵美陽伯隋開皇初追封邳國公
曾祖威隋書傳字無畏周太祖時襲爵美陽縣公

周書作伯仕郡功曹授使持節車騎大將軍儀同三司改封懷遠縣公武帝拜稍伯下大夫宣帝嗣位就拜開府隋高祖受禪徵拜太子少保追贈其父爲邳國公以威襲焉兼納言民部尚書兼大理卿京兆尹御史大夫拜刑部尚書京兆尹廢檢校雍州別駕遷吏部尚書兼領國子祭酒拜尚書右僕射坐朋黨事免官館歲餘復爵邳公使突厥以勤勞進位大將軍仁壽初復拜尚書右僕射煬帝嗣位累進光祿大夫賜爵寧陵侯進封房公後除名爲民碑稱邳國公者是襲其父追封爵表惟左僕射

而云房公者是用其最後之封若文苑英華作雍州牧据傳惟于高祖時曾檢校雍州別駕未嘗爲牧且逾年已久矣大父夔隋書附威傳字伯尼起家太子通事舍人煬帝嗣位遷太子洗馬歷尚書職方郎拜朝散大夫鴻臚少卿進位通議大夫父亶無傳碑云池台工州刺史岐州刺史唐世系表則但云台州刺史也瓌兩唐書有傳碑與傳之不同者如舊傳云父勗貞觀中台州刺史新傳無碑則云烈考諱亶新書世系表夔長子勗官吏部侍郎駙馬都尉次子亶台州刺史瓌實亶之子非勗之

子也新傳云瓌擢進士第補恒州參軍舊傳無碑

云年十八進士高第補寧州參軍轉恒州司灋

傳云居母喪左庶子張大安表舉孝悌與碑同舊傳無

豫王府錄事參軍碑則云丁絳郡夫人憂服闋

恭陵丞兩傳無恭陵者高宗太子宏孝敬皇帝陵百官志諸陵丞各一人從七品下

相府錄事參軍上改封豫官亦隨府睿宗紀始封

殷王徙封豫王又封冀王累遷右金吾衛大將軍

洛州牧徙封相王復封豫王碑故叙瓌官由相改

豫也碑云上即帝位中宗嗣聖拜朝散大夫尚書水部

員外郎闕三侍御史闕五拜夏官員外兼官尹丞

歷水部祠部郎中兼判司禮事以上兩傳俱無以親聯出

為朗州刺史轉歙州刺史并州武興令檢校冀州

刺史累遷汾口口汴口陝以四字闕新傳但云歷朗

歙二州刺史舊傳無久之轉揚州大都督府長史舊傳

同徙同州刺史奏宿衛兵月賜增半糧却進獻

營造罷十道使括亡戶罷浮圖廟塔諸役費武后

善其言已上舊傳碑云尚書右丞兩傳云神龍初

封懷縣男與碑俱無加銀青光祿大夫舊傳同遷尚書左

丞兩傳俱無戶部尚書又拜侍中兩傳同舊傳此

新傳俱無京師畱守兼理冤滯兩傳有收鄭車駕還示

此指中宗復辟持節河北按撫加金紫光祿大夫兩傳俱無

吏部尚書東都留守新傳無舊傳云遷吏部尚書進封淮陽縣侯新傳與

皆無進封侯事尋復還守本職廷拜尚書右僕射同中書

門下三品封許國公兩傳俱有舊傳云景龍三年監修國史

云是歲六月與唐休璟並加監修國史新書無今上踐祚此指睿宗拜尚書左

僕射兩傳同乞骸拜太子少傅兩傳俱云景雲元年凡此皆碑

與兩史傳彼此詳畧及叙次不同者也長安志崇

仁坊東門之北尚書左僕射許國公蘇瓌宅注云

沅案盧藏用撰神道碑序云瓌終崇仁里第即謂

此碑序也今檢序無此語必在首行泐文中畢尚

書校刻長安志時及見此數字也文後云建碑于

塋北一十五里詳玩此語知其墳塋北向而碑建

十五里外則神道亦甚遠矣當時公卿墓制史無

專條亦想見西北地多間曠故墓域能如是之寬

也

蕭思亮墓志

石方廣二尺三寸七分二十六行行二十六字正書在長安縣

唐故朝議郎行雍州長安縣丞上柱國蕭府君墓誌銘

并序

中大夫行薛王友顏惟貞撰

君諱思亮字孔明蘭陵人也公侯慶緒鍾鼎華宗遠則
文終翼漢口侔於二八近則武皇祚梁業光乎三五英
賢繼踵簪紱駢輝詳乎史諫可略言矣曾祖翹梁貞毅
將軍郢州刺史新興侯祖季符 皇朝尚食奉御員外
散騎常侍贈光祿卿洪鄂等八州諸軍事洪州刺史武
昌縣開國公竝才兼文武秩榮中外郢中歌雪畫隼翻
旟騎省連雲豐貂曜冕象河洛嶽禮備於飾終列爵疏
封寵隆於利建父温恭修文館學生渝州司功叅軍事
譽光翼序位屈巴賓末騁高衢先摧逸足君資靈上善
稟粹中和言爲士則行成物範張華雅思揆奇藻於鷓
鷯終軍洽聞標敏識於鼯鼠好學不倦綜涉羣言手自
繕寫盈於簡素解褐補益州金堂縣尉歷雍州同官縣
尉武功主簿軋封縣尉長安主簿歲滿爲丞再歷畿甸
三遷京邑職事填委剖之如決流爭訟紛拏鑿之若懸
鏡嗟乎道長運促時亨命屯未施構厦之材俄軋奠楹
之夢以景雲二年歲次丁亥正月卅日終於京崇化里
第春秋六十有七嗚呼哀哉卽以其年二月景子朔十
五日庚寅遷窆于神和原禮也夫人譙郡熊氏故左金
吾將軍元逸之女柔婉成性言容具美以景龍二年九
月十三日寢疾而終嗚呼哀哉龍門之桐始半生而半

死襄城之劔竟先沉而後沉同宥有歸雙魂是耐嗣子
逃孔門之鯉幼卽聞詩楊氏之烏童而擬易未極庭闈
之養遠纏屺岵之悲擬厚地而崩心訴高穹而泣血期
我以先執託我以斯文僕也不才義深寮舊追感平昔
承驗無從敬述芳猷誌于幽隧銘曰

麀鳥降祥克生于商枝分葉散源溶流長載誕明哲如
珪如璋夷險共貌寵辱齊忘文含綺績學富縑緇竭來
卑位其道弥光孰去與善奄歎殲良馬鬣開隧龜謀允
臧松門蒿里兮般雙魂於此地春蘭秋菊兮歷萬口而
逾芳

右誌題云中大夫行薛王友顏惟貞撰而無書人姓名
又云君諱思亮字孔明祖父皆仕于隋唐爲顯官以景雲
二年二月葬按顏氏家廟碑魯公之父名惟貞字叔堅受
筆法于舅殷仲容氏以草隸擅名此碑字畫工緻當爲
惟貞書也惟貞書武承規墓誌與此

碑相似碑近出西安府城南神和原土中

金石錄補

右雍州長安縣丞蕭思亮墓誌文云景雲二年歲次
丁亥致是年乃辛亥書者之誤也思亮曾祖翹梁貞
毅將軍郢州刺史新興侯梁書南史俱不載其爲梁
宗室與否不可攷矣文猶沿唐初駢偶之習有云孔

門之鯉幼卽聞詩楊氏之烏童而擬易屬對殊可喜

也潛研堂金石文跋尾

唐時墓志篆蓋皆缺此獨存關中金石記

按撰文者行薛王友顏惟貞唐書三宗諸子傳睿

宗第五子惠軍太子業始王趙降封中山授都水

使者徙彭城兼陳州別駕進王薛為羽林大將軍

荆州大都督以好學授秘書監開元初進太子少

保此碑立于景雲二年在開元以前是初王薛時

顏惟貞為之友也蕭思亮遷窆於神和原長安縣

子午谷有神禾原說已詳法苑珠林此作神和或當

時禾和通稱也

獨孤仁政碑

碑連額高六尺五寸二分廣三尺三寸八分三十四
行行四十八字正書額題大唐故上護軍獨孤府君
之碑篆書十二字今在孟縣學憲義祠

大唐故朝議郎行兗州都督府方與縣令上護軍獨孤

府君之碑銘并序

□□劉待價撰

聞夫軋蓋上闢星緯分其纏舍坤輿下蟠河岳裂其封

域是以觀象體物建百里之庶邦敦俗牧人置千石之

多士則有威霽風雨稱明鏡於當時德洽絃歌号麗龜

於後業其有繼美宣化教肅刑清作根本於
廊爲喉命於黔庶休明一代映徹九泉歷選徽塵歸獨
孤府君矣

公諱仁政字仁政河南洛陽人也本姓劉氏導擾龍之
巨源長河不竭疏斷馳之曾岫連岳無窮屬逐鹿於山
原乃避時於北漢因山易姓以氣雄邊及魏室之鬱興
服袞論道遷周邦而屢從衣錦還鄉吐弈菜而增昌朝
盈紫綬聳本枝而逾懋郡接朱轡茵藹紛綸可略而述
高祖末業齊中書舍人南道行臺右丞洛州刺史遷左
丞加散騎常侍儀同三司特進行臺左僕射封夏州啟

寧縣開國公武安郡開國公廣州德廣郡開國公西平
郡開國公瀛州章武郡開國公彭城郡開國公各食邑
二千戶賜鼓吹一部絹布各二千疋錢卅万俸口三百
餘人馬五十疋轉七兵尚書兼吏部尚書入周拜司徒
公行臺尚書令刪臨川王大司寇少右弼謚曰貞佩金
章於黃閣縮鬢綬於玳筵內助理於萬機外佐平於百
揆奇籌獨運戶邑光於六封雅樂相喧鼓吹標於四錫
會祖子佳周柱國直閣將軍武安郡開國公華州刺史
儀同三司隨大將軍池州刺史應國公拜壇虎將祠黃
石以傳書刺郡神君褰赤帷而察俗賞茅土於奧襄以

荅元功進儀服於太階還尊懋德相義恭隨京北郡富
平縣令唐 秦王府倉曹參軍事荆王府長史右衛

郎將左衛中郎將左監門率溫汾歸婺四州諸軍事發

州刺史上柱國高平縣開國侯 雍 容朱邳陪文雅之良

遊巡警 紫微膺爪牙之重任百城宣化得賈父之

能名五等開封獲通侯之美稱父士贊唐龔文生

文德皇后挽郎虞庠之胄必撰士林楚挽之郎寔資門

蔭選授霍王府戶曹參軍事密王府兵曹參軍事原州

都督府戶曹參軍事轉汴州尉氏縣令遷坊州郟城縣

令上騎都尉行丹州司馬襲爵高平縣開國侯幕府端

簪聞爲善之取樂列曹從務佐激濁以增清叔孝擒奸

智窮於耳粟伯騫馬士語重於筭金孫氏襲侯尚食漢

閒之地謝庭蘊玉還光席上之珍惟公騰秀二儀降精

五緯髻年對日綺歲參麤成千里之權竒望雲驥首刷

五色之毛羽抱義賓王起家 皇朝左勳衛左金吾

引駕出警入蹕統式道之朱麾夜傲朝巡司禦戎之金

革解褐思州司倉參軍事像水之平法絃之直遊刃盈

庭之訟發蒙列局之翹掌十二之人天致菽粟之流衍

改授宣州溧陽縣丞南服水鄉北升星分吳越雜錯士

吏剽輕公贊銅章以化人持水鏡而照物季俗爲之懲

革淳風由是興行轉朝議郎上護軍行苑州都督府方
與縣令法三異之化振百里之雷敦禮義以教人薄聚
斂以富俗女修織衽不下三齊男務耕耘還登九穀推
理止息桴鼓於是稀鳴囹圄空虛閒牘以之無事既而
焦延罷職上書願畱劉寵去官攀轅而送方同胡紹專
城之任克遷遽等宣尼倚戶之吟斯作以景龍二年三
月廿九日邁疾卒於河內郡之私第春秋七十有七士
喪衣冠道亡僮墨德音何在恨九言之不追魂氣何之
痛百身之無贖惟公抱素懷璞蹈孝履忠蘊智成囊含
明作鏡敞三白之虛室汎登仙之桂舟酌其流而惑淺
深庇其宇而忘寒暑儒林罕月武庫驚雷六義分落錦
之篇八體下崩雲之陣阮公琴酒情盤脩竹之間尸子
登臨神王長松之下清門赴吊無雜号之賓儉室奉終
靡一金之產可謂至德君子人之楨幹者也以景雲二
年歲次辛亥二月景子朔廿七日壬寅遷窆于洛州河
陽西北韓城鄉龍臺里之平原禮也馬啟滕城鳥飛揚
墓晚風含怨託松栢以揚聲斜日緘愁向煙雲而沮色
嗣子宗業隆堂構孝極天經攀翠栢以長悲奉鑿醪而
永慕想龔成之祖德遂述家風鑿陳寔之貞碑爰題
馨庶陵移谷變竹帛非堅而懿德嘉聲乾坤等固其詞

曰

樓瀧疏派斷馳分族遇亂中原避時北服回山易姓待

時干祿其一北魏稱帝佐命為臣爰從鳳蹕式返雞津祚

茅食采華轂朱輪其二距德誕美韶姿令器渾金璞玉霜

鶴雲驥論起談天詞成擲地其三振翼鳳穴統武兵欄捧

戟侍其四帝綰綬除官霜凝吏道花飛筆端其一同莅

俗五美興化剽劫懲奸嗤眩息詐女修纂續男務耕稼

其五攝官稱謝攀轅告歸佇遷喬木奄落斜暉昊天不憖

與吾何違其六相彼青雉啟茲馨室縞駟發軔丹旒颺日

九原不返千秋永畢其七賙人悲而結惜吊鶴思而氤氳

薤灑泣珠之露松纏慘玉之雲爰勒銘於麤石以作固

於清氛其八

吏部常選農劉珉書

襄陵賈行表鐫

右獨孤府君碑額字陰文凸起三行篆書文序其家

世特詳其云高祖永業者北史及北齊書皆有傳謂

其本姓劉中山人隨母改適獨孤氏遂從其姓今按

碑中所云導擾龍之巨源疏斷虵之曾岫逐鹿中原

避時北漠因山易姓以氣雄邊者則俱指獨孤永業

之先世出於劉氏者而言非謂永業之身之出於劉

氏者也按唐書宰相世系表載獨孤世系所稱易姓
之由略與碑應而於永業之父冀不言永業爲其身
生與否又按唐獨孤及自作其父通理墓碑所稱易
姓之由亦與世系表大同小異而就其中所云歸生
冀冀生永業者觀之則永業并非隨母冒姓之謂矣
又北史及北齊書載永業生平歷官與碑詳略互見
不必深論唯稱永業在齊時封臨川郡王與獨孤通
理墓碑所稱亦同而此碑則謂入周冊臨川郡王與
獨孤世系表所載冀周司徒臨川郡王者又同其間
彼此互異良由世代久遠俱難意斷又獨孤及以一
代文伯自序其先世封爵而其中亦別有失於考據
者其碑內所稱先世略云獨孤之先出自劉氏後漢
世祖光武皇帝之裔世祖生沛獻王輔輔生釐釐生
定定生節節生丐丐生長子廣嗣王位少子廙爲洛
陽令廙生穆穆生進伯爲度遼將軍擊匈奴兵少援
不至戰敗爲單于所獲遷居獨孤山下生尸利單于
加以谷蠡王之位號獨孤部尸利生烏和烏和生二
子長曰去卑爲左賢王建安中李郭之亂左賢王率
其部衛帝自長安還洛後歸國卒次弟猛代立生富
論富論生路孤路孤生眷眷生羅辰從魏孝文帝遷

都洛陽始以獨孤部爲氏爵永安公定州刺史生萬
齡官至廷尉萬齡生稽又官廷尉爲鎮東將軍稽生
歸又爲鎮東生冀官至征南將軍定州刺史贈司徒
生末業卽通理之高祖云云而唐書獨孤世系表則
云漢世祖生沛獻王輔輔生釐王定以釐爲定謚但
爲一人又云定生節王丐節又丐謚但爲一人是又
彼此互異及考後漢書光武十王列傳內載沛獻王
輔薨子釐王定嗣定薨子節王正嗣正薨子孝王廣
嗣則通理碑與唐書世系表以正爲丐者固字體小
誤而通理碑以二人爲四人者誠誤矣且其間尤有
錯誤足以自累其世系而并以累人之世系者則通
理碑中所言以去卑爲烏和之長子劉猛之兄者按
唐書獨孤世系表亦謂去卑爲烏和之長子劉猛之
兄烏和卽烏孫和蓋孫字之誤此又不必論但論去
卑非烏和之長子亦并非劉猛之兄而已今按魏書
鐵弗劉虎傳云虎爲南單于之苗裔左賢王去卑之
孫北部劉猛之從子魏與晉并州刺史劉琨合討之
虎走歸劉聰聰以其宗室拜安北將軍云云又按晉
書劉元海傳述其先世爲冒頓之後以母爲漢高祖
宗女遂冒姓劉氏觀其初立國時所下國中之令可

見聰為元海之子以劉虎為宗室則虎之祖去卑其為冒頓之裔甚明今獨孤通理墓碑與唐書獨孤世系表并謂劉去卑與劉猛同父是不將使人疑劉猛之亦出於冒頓即獨孤亦出於冒頓之後而此碑亦誤耶今試依即魏書劉虎傳所未虎為去卑之孫而猛之從子者推之則去卑之視猛猶猛之視虎皆從子耳何兄弟耶故二人既尚非兄弟况於同父即魏書所謂從子者亦當為同姓不宗之從子耳竊以為劉猛自當出於進伯之後下開獨孤末業獨孤仁政獨孤通理之屬去卑當為冒頓之後下開劉庫仁與

劉虎及其孫劉務桓劉衛辰以至於赫連勃勃之屬分為二派則按之晉魏諸史庶皆兩無所妨而如獨孤通理墓碑以及唐書獨孤世系表皆難專據者不若梁肅作獨孤及之弟獨孤正墓誌銘謂其出自進伯因部易姓隨云其後有羅辰臨川王永業渾而言之與此碑之略舉大意者皆不以去卑闌入之為愈也且唐書於獨孤世系既以劉去卑闌入為劉猛之兄而於河南劉氏世系表更謂河南劉氏本出匈奴之族漢高祖以宗女妻冒頓其族貴者皆從母姓因改為劉氏左賢王去卑裔孫庫仁南部大人凌江

將軍弟眷生羅辰爲定州刺史其後徙居河南羅辰
五世孫仕雋卽宰相崇望之十代祖云夫謂去卑之
出自冒頓則誠當矣而謂其裔孫庫仁卽劉眷之兄
故劉眷之後皆冒頓之裔此甚非也去卑與劉猛不
同所自出則庫仁安得謂劉眷爲弟哉卽以弟言亦
不過同姓不宗之弟耳而遽謂其子孫皆冒頓之後
可乎夫以劉去卑一人而於獨孤世系表則謂爲劉
進伯之裔於河南劉氏表則又謂冒頓之裔以劉眷
一人於獨孤世系表則謂爲劉猛之孫出自進伯於
河南劉氏表則謂爲劉庫仁之弟出自冒頓一人而
二本始分而未合其自相矛盾多所牴牾如此其謂
之何今按去卑之孫卽上所謂劉庫仁及劉虎並其
孫劉務桓等當爲冒頓後裔一族而初不必以劉眷
之後又爲河南劉氏者上冒之蓋河南劉氏與獨孤
同出自劉眷卽同出自劉進伯者卽如此碑書撰皆
劉姓而又皆宏農人當卽所云河南劉氏之派此亦
可見其與獨孤甚親其言獨孤先世無異自言故能
詳悉若此是可卽此碑書撰人之於獨孤有關合者
以并正唐書世系表謂河南劉氏出自冒頓之誤焉
又獨孤世系表於末業父冀官爵下載其謚法而於

末業官爵下不載謚法又北史及北齊書本傳但稱末業後爲崔彥穆所殺壹似不應得謚者而碑乃有謚曰貞之文茲考周書崔彥穆傳謂彥穆爲行軍總管討司馬消難軍次荊州彥穆疑荊州總管獨孤末業有異志遂收而戮之頃之末業家自理得雪彥穆坐除名云云卽北史崔彥穆傳亦略同據此則末業之戮乃但出於彥穆之疑而碑所言謚曰貞者必其家自理得雪後所予之謚是又可以補世系表及本傳不載其謚之缺焉至表所載末業子子佳隋淮州刺史武安公者按隋書地理志無淮州唯南海郡有

含漣縣註云梁置衡州陽山郡平陳州改漣州廢郡二十年州廢今碑云曾祖子佳隋大將軍漣州刺史者正與隋書地理志相應乃漣州尚未廢爲含漣之時而正可以訂以漣爲淮之誤又表謂子佳爲武安公者亦指隋言今按碑載子佳在周爲武安郡國公在隋爲應國公亦當以碑爲正又世系表於子佳之子義恭名下略不載其官爵而於其族人爲主簿都尉參軍之類皆載之今按碑所載義恭在唐爲官至溫汾歸婺四州諸軍事婺州刺史高平縣侯官爵尤不當略是宜據以補世系之缺至義恭之

士贊卽仁政之父與仁政之子宗其名字官爵世系表皆缺載是尤宜據碑補入者也蓋唐書之闕誤是於吳縝新唐書糾謬者至多而其可據此碑而補正又旁及他史者亦不一而足焉 碑并螭首高五尺四寸廣一尺一寸初開耕出都無一字後郡學生劉世俊自請往訪始知其字在下方而出之碑甚完好無缺其文旣深美希風徐庾而書亦隱秀具體六朝蓋兼得歐虞之意又尚不染唐人間架觚稜末習懸而視之始知其妙爾頃搜訪孟地碑碣所錄魏志諸刻殊稱佳妙而此碑在唐刻中尤爲不易得者其埋沒已千餘年一旦復覩豈非快事然非劉生請行亦未必得也茲遂爲移置縣學云

孟縣志

景龍觀鐘銘

銘高二尺五寸八分廣二尺九寸四分共十八行行十七字正書在西安府城臬署旁

原夫一氣疑真舍紫虛而構極三清韞秘控碧落而崇因雖大道無爲濟物歸于善貸而妙門有教滅咎在於希聲景龍觀者

中宗孝和皇帝之所造也曾城

寫質閎苑圖形但名在騫林而韻停鐘簾朕翹情八素締想九元命彼鼓延鑄斯無駭考虞倕之懿灋得晉曠之宏規廣召鯨互遠徵息匠耶溪集寶麗壑收珍警風

雨之辰節昏明之候飛廉扇炭屏翳營鑪翫鶴呈姿蹲
熊發狀角而京震侈而克揚庶其曉散靈音鎮入鶴鸞
之殿夕騰仙韻恒流鳩鶴之闈羣俗聽而咸痊迷方聞
而永悟洪鈞式啟寶字攸鐫其銘曰

紫宸御麤青元樹因傾巖集寶竭府收珍杜夔律應張
永規陳形包九乳儀韶萬鈞上資七廟傍延北人風
韻急霜重音新自茲千歲從今億春懸玉京而薦福
銅史而司辰

景雲二年太歲辛亥金九月癸酉金朔一十五日
亥土鑄成

景龍觀者中宗所作景雲二年睿宗爲之鑄鐘製銘
也字正書而稍兼篆隸奇偉可觀鐘今在西安府城

鐘樓 石墨
鐫華

景龍觀鍾銘睿宗御書初唐人作字尚有八分遺意
正書之中往往雜出篆體無論歐虞諸子卽睿宗書
亦如此猶之初唐律詩稍似古風平仄不盡穩順開
元以後書法日盛而古意遂亡遂以篆楷爲必不相
通分爲兩部然而蚩之从虫出之从巴黎之从勿薛
之从自虛之从也鼎之从析出益之从橫出此皆見
行於今代者而不察其爲篆也詩篇書法日以圓熟

而俗筆生焉亦世道升降之一端矣金石文
字記

景龍觀唐中宗所起睿宗復為煉銅鑄鐘而銘之今

在西安鐘樓余曾手摩其文書復古雅拙樸其源出

自興和年李仲琰修孔子廟碑劑之以雅故睽余收

金石文數百種除彝器款識惟此為金耳金石
史

右銅鐘銘真跡十八行銘每行十七字鑄銘處高一

尺八寸濶二尺鐘高八尺圍一丈五尺在西安府鐘

樓上景雲二年御書西北向金石
圖

此唐睿宗御書也觀久毀鐘移西安府臬署西鐘樓

上恐搨印者下窺官舍往往禁不令搨近令搨工以

蓆蔽樓東一面而以草塞其內毳裹於外方能得之

其難如此而其書又沉鬱古奧為東坡之祖洵可寶

也 睿宗書不多見見者唯孔子廟堂碑額順陵碑

文及此銘耳順陵碑與廟堂額係偽周朝為相王時

篆此則卽位後書微襍隸體古奧有致當與比干銅

盤焦山鼎銘共寶矣鐵函齋
書故

今在西安府城迎祥觀序銘共三百九十二字大徑

寸許鐘甚鉅厚七寸餘搨之稍輕則不聞聲顰臆云

必塞其內空方可搨之蓋出於傳聞未嘗目覩也景

龍觀創自中宗睿宗鑄鐘作銘開元時回迎老子玉

像改今名樓築於層臺之上爲城中偉觀石墨鐫華
金石文字記俱云在西安府鐘樓上誤鐘樓在朱雀
街之中非迎祥觀鐘樓也

雍州金石記

按鐘銘本在景龍觀銘文可据曝書亭集以爲景
雲觀在修業坊見宋次道長安志今檢長安志並
無修業坊惟朱雀街東第二街北務本坊南街之
北有先天觀景龍三年韋庶人立爲翊聖女冠觀
景雲元年改景雲觀天寶八載改爲龍興道士觀
至德三載改先天觀不知卽竹垞所稱之景雲觀
否也又檢長安志崇仁坊西南隅有元真觀半以

東本尚書左僕射申國公高士廉宅西北隅本左
金吾衛神龍元年併爲長寧公主第東有山池別
院卽舊東陽公主亭子韋庶人敗公主隨夫爲外
官遂奏請爲景龍觀仍以中宗年號爲名天寶十
二載改爲元真觀然不載睿宗書銘鑄鐘之事
則非卽此景龍觀明矣雍州金石記云今在西安
府城迎祥觀此語差可據然尚是未移臬署以前
之語也陝西通志載迎祥觀在西安府城內廣濟
街東迎祥觀卽景龍觀也創自唐景龍二年按蘇
靈芝書老君應現碑開元二十九年元宗夢見老

君曰吾乃汝遠祖有像在京城西南百餘里汝遣人求之吾合與汝於興慶相見覺而異之卽命尙書張九齡道士蕭元裕尋訪於蓋屋聞仙峪果得老君玉像高二尺餘以進其日元宗在興慶宮遂親迎謁置於殿內次日送景龍觀大同殿安置瞻仰與夢中所見無異卽改景龍爲迎祥觀今鐘樓爲懸鐘所睿宗景雲鐘銘刻其上此則是景龍觀鐘銘之所在也然長安志何以不載迎祥觀所未詳矣唐書方技葉法善傳睿宗卽位法善有冥助力先天二年拜鴻臚卿封越國公止于京師景龍觀蓋鑄鐘時尚是景龍觀初建鐘成而觀亦竣工于是葉法善以先天二年止居是觀也睿宗得位出于法善冥助然則建景龍觀睿宗亦爲法善地也銘序云命彼鼓延鑄斯無射爲九月之律蓋預定以九月鑄成也云辛亥金癸酉金丁亥土納音辛亥釵釧金癸酉劍鋒金丁亥屋上土唐人造作多有以年月日干支用納音書入金石者想亦當時所尙未必有所取義也文內節昏明之候之字作爰不見他碑此鐘今在臬署之右昶在西安官臬司三年暇輒過而觀之然工人椎搗多用硃而

不用墨與搨他處鐘款者異

涼州衛大雲寺碑

碑高七尺三寸七分廣三尺三寸三分二十六行行五十八字正書篆額

涼州衛大雲寺古剎功德碑

前湏修文閣學士劉秀撰

朝行郎涼州神烏縣主簿譙郡夏侯湛篆額

夫無爲者靜而常樂應物者成而不有是知其權弗恃
瀾綸大悲可主方便於三界之中汲引四生塵囂入政
非八萬四千無以開其妙門之路三十七品宏其淨土
之衢者也大雲寺者晉涼州牧張天錫昇平之年所置

也本名宏藏寺後改爲大雲因

則天大聖皇妃臨

朝之日創諸州各置大雲隨改號爲天賜庵其地接四

郡境控三邊衝要俯蒼松而環城珍白蘭而作鎮揆日

影占星表三時說法已布金沙四柱成臺遠分瓔珞嵩

陽有花樓重閣院有三門迴廊依寶林而秀出干瑤苑

而直上洵人天有福地爲善信所皈依也時有明牧右

武將軍右御史中丞內供奉持節西河諸君節度大監

赤水軍大使九姓大使監秦涼州倉庫使檢校涼州都

督河內司馬名逸實晉南陽王模十三代系也英瑋明

允特達聰亮負經濟之偉才屬會昌之鴻運學綜羣玉

文擅擲金撫俗安邊式昭神武加以宿植善因深究靈
理按部餘暇虔誠淨土重興般若之臺廣塑真如之像
兼水軍副使右衛將軍陳宗北左金吾衛翊府中郎將
安忠敬軍長史萬徹軍司馬王休祥神烏縣令胡宗輔
並門承詩禮世襲箕裘席工文墨兼悟兵機深達般若
樂脩檀行乃愆息司馬等僉議裝嚴於北面化十善十
惡四面行廊則兵爲喜捨樹檀那之副明曠劫之因於
堂中面畫淨土變面西化地獄畫高僧變並刊傳贊院
山門內各畫神王二東西兩門各畫金剛其後地獄變
中觀音菩薩二地藏一齊空放光久而不滅花樓院有
七層木浮圖卽張氏建寺之日造高一百八十尺層列
周圍二十八間面列四戶八窗一一相似屋巍巍以崇
立殿赫赫以宏敞擬瑤臺之懸居狀層城之始構年代
綿遠其下層微有凋落欲加繕補人力未就俄而東西
三間忽然摧倒因掘舊基得古錢一甕以助工後司馬
公復興軍州共爲營構剔四面更敞重檐於南禪院
迴廊盡付法藏羅漢聖僧變摩騰法東萊變七女變北
禪院畫三界圖九相觀音福比丘翻譯經典有造經房
一所梓匠呈材河宗獻寶資銑以三品訪丹於九區抵
鵠無遺場蛇咸錄郢人運成風之巧晉臣洒翰墨之端

雲聯梵殿烟凝珍館日屬寶坊儼焉相對雕甍鏤角金
 鳳槃龍刊名模金分身畱影地土聿廣樓閣相連變現
 無方感通隨念至若須彌地主虛宮梵王是名菩薩月
 光童子如請說經猶言護法內控六賊外伏四魔皈依
 祖師同申戒律心悟一乘行開正果道存八方靡施濟
 度為現在楷梯乃將來龜鏡寺主雪獻法師俗姓安氏
 姑臧人驃騎大將軍安公子孫高蓋駟馬平生不屑宴
 坐經行深心自悟鑿該四攝言經三邊營事伽藍備盡
 精力所有營構悉稟規模上座證淨法師俗姓王氏大
 原人高邁非常晚近無等操尚遠情利益維那元證法

師崇隸前上座守廉等並志誠明瞻風神踈朗共圖經
 始大願成就加以崇草園林列時花果琪樹爭妍璫臺
 森列價重香山名高驪圃法城之侶朝夕來遊行李之
 徒瞻仰不輟誠西極之慈航而五涼之勝事也况乎義
 冠人天福祝中外萬禩無疆千秋莫朽爰記其事兼讚
 以偈

逃聽人代博求古今至宮不宰法乳無音罕通惠樹直
 敬稠林何以出音惟聞覺地出俗云何證在煩惱修持
 奚故達在生老利物非連古今未早無去無來曰法曰
 道雖在譬喻言說皆空雖在圖像無有是同跡權混實

金石錄卷之六十九
理契感通智周惟理匪我求蒙教法兆基伽藍土地梵
宇宮殿經臺樓閣寶鏡垂蘇璇題流鐸光陰塵耀烟霞
忽霍三休槩日千尋倒影花散梅樑蓮披藻井鷄鷄不
及元態自逞超士伏歷王人摩頂旣安靈館式紹禪關
頓漸成學廣施積善道彌有路義總無餘一超色相求
敦居諸

大唐景雲二年

按碑題前頊脩文閣學士劉秀撰前頊二字未詳
朝行郎涼州神烏縣主簿譙郡夏侯湛象額而不
列書碑銜名夏侯湛又不云并書亦莫曉也唐書
百官志無朝行郎之階神烏縣屬涼州武威郡武
德三年置總章元年改曰武威神龍元年復故名
夏侯湛官主簿在神烏復故之後七年也百官志
下縣主簿從九品上階曰文林郎神烏是下縣則
主簿當是文林郎不知碑何以作朝行也文云則
天大聖皇妃臨朝之日創諸州各置大雲武后于
長安五年正月中宗復位上后號曰則天大聖皇
帝碑何以稱皇妃也新唐書武后紀天授元年七
月頒大雲經于天下長安志懷遠坊東南隅大雲
經寺武太后初此寺沙門宣政進大雲經經中有

女主之符因改爲大雲經寺遂令天下每州置一
大雲經寺涼州之有大雲始于此也文云大雲寺
者晉涼州牧張天錫昇平之年所置也本名宏藏
寺晉書張天錫附張軌傳云是大都督大將軍校
尉涼州牧西平公元覲之叔興寧元年天錫入禁
門潛害元覲國人立天錫亦號大將軍校尉涼州
牧西平公若升平在興寧之前其時天錫尚未爲
涼州牧蓋年遠誤記也又云司馬逸實晉南陽王
模十三代系也晉書宗室傳南陽王模乃高密文
獻王泰之子略略之弟卽模也字元表少好學與
元帝及范陽王虓俱有稱于宗室初封平昌公累
遷鎮東大將軍鎮許昌進爵南陽王專在永興初
年下逮開元初歷四百餘年宜乎司馬逸爲十三
代系也碑係重刻如諸軍作君畫付作畫東來作
萊雕薨作薨皆譌字則恐前頡朝行及不列書人
亦皆脫誤也

郭思訓墓志

石高二尺一寸五分廣二尺八分二十五行
行行二十七字正書在洛陽史家灣王宅

唐故孝子朝議郎行大理司直上柱國郭府君墓誌銘

序并

公諱思訓字逸太原平陽人也昔姬文作周運璿璣而
一宇宙號叔命氏錫介珪而列山河爵爲國師燕臺竭
起誕降人母金穴橫開廿緒蟬聯公侯克復

祖興周上黨郡守平東將軍青綬登朝朱旗絳野執霜
戈而問罪方雍水而澄心

支郎銀青光祿大夫口金貂而伏奏鳧鳥將飛齊亂繩
以臨人牛刀自解

也幽素舉及第以孝不仕弄鳥承顏恥毛生之捧檄懸
雞就養式茅容之致口不屈道而期榮穆真風而自逸

公軋綱之精融密泉潔學以天授言以行成襲門緒解
謁睦州建德縣主簿應吏職清白舉及第轉滄州樂陵

縣丞南郡地狹屈仇香而佐時六安路遙坐桓譚而不
樂

勅除温王府兵曹叅軍事轉太子典膳監芙
蓉映水攀桂樹而逢仙蓮蒲口口坐搖山而和鼎應孝
悌廉讓舉及第

其正哀敬折獄對霜練而論刑上帝弗蠲泣丹毫而書
罪彼蒼不吊殲我良圖以景雲二年九月十三日復疾

終於長安醴泉里之私第公孝友温恭文行忠信哀昊
天之因極式閭巷以光時蔭棠棣而聚星蕭闈門之有

禮奄棄於代與善何徵辭北寺之榮班積車長謝望東

周之故里旅櫬空歸夫人清河張氏平陽柴氏並穠華
賁春輕雲蔽月結縞作儷乘旭鴈而移天采蘋是羞應
鵲巢而主饋昔時南斗兩劍分輝今日西階雙魂共穴
以景雲二年歲次辛亥十二月辛丑朔十五日乙卯遷
合于洛陽北部鄉之原陪葬先塋之壬地禮也青
烏卜地白鶴標墳桂酒口肴無復平生之賞佳城總帳
空餘冥漠之悲嗣子審之弟雍州武功縣尉思謨口攀
號擗踴瀝泣摧心長懷陟岵之哀永結在原之思嗚呼
哀哉迺爲銘曰

榮寂之緒累代重昌其人如玉邦家有光道全忠孝德

裕巖廊士林蕭索人之云亡寒郊慘兮山門險松扃門
兮宿草荒

碑云弟雍州武功縣尉思謨思謨亦有墓志兄弟俱
應孝弟廉讓舉可想見其家風之美云遷合于洛陽
北部鄉之原陪葬先塋之壬地予覽方志此墓漏畧
而二郭孝行人物亦不載因表出之中州金石記

右孝子郭思訓墓誌無撰書人姓名思訓始應吏職
清白舉及第再應孝悌廉讓舉及第攷唐制諸州歲

舉孝廉蓋卽碑所云孝悌廉讓舉也吏職清白舉則

馬端臨所述唐制科名曰未之及焉潛研堂金石文跋尾

王璩石浮屠銘

石高廣俱二尺九寸共二十一
行十八字至二十字不等行書

石浮屠銘

并序

上騎都尉竊思道書

此浮屠者唐中興七年歲次辛亥夏□月八日宣義郎
 守幽州都督府法曹參軍上輕車都尉貝州王璩上為
 聖唐皇帝下為法界蒼生次逮七葉先亡俯□見存
 眷屬之所建也究夫溺川思拯必□□楫之功火宅接
 離載俟牛車之力矧乎迦維聖濟非視聽所□□□豈
 劫乃慈悲之理璩以頑蔽□事□隅左右□□聿加非
 各誓意輸歸妙造竦□□□□□□□□□□彼岸矣豈
 非丈夫潛施雄□□□□□□□靈焉□辰是故乃□捨
 衣命構□□□□石□□巖祇□寶樹基□界則獨苑
 增□□□□□□黃陂萬頃却臨雲嶠翠粵千重信
 □□□□乃昇龍之別業者也庶夫瀛桑百變□□□
 □在我此功與天亡極銘曰
 倏哉傑聖□德有□□我嬰枉惠予殷仁得免時瘳實
 賴慈□□□□運此名斤爵離崛起鳳時天辰諸劫
 有□□□□□

景雲三年歲次辛亥夏四月八日建

上柱國丁處約鑄文

賈泰山

田義起石浮圖頌

碑高二尺八寸七分廣二尺八寸共二十
二行行十九字至二十二字不等行書

大唐易州石亭府左果毅都尉蔚縣田義起石浮圖頌

和州歷陽丞王利貞文

詳夫釋氏大慈能仁廣運一揮惠劍則結嶽峯摧翫駕
寶船則流海波息若迺豐牛步坦香鳥登津福祉夙昭
解行先備非功德修淨其有與於此乎浮圖主石亭府
果毅田公者孝乎惟孝忠爲令德秉武腰文遊仁踐義
富潤石室貨積銅山保性以閑榮足知止尊崇法門福
求無上奉爲七代先亡見存太夫人合家大小敬造石
浮圖七級釋迦像二菩薩神王等一鋪余其索寶幽谷
獲碧崇巖異濟北之神期匪河西之馬瑞欵焉構迴不
日而成狀雀離之從天猶多寶之湧地虬簷霧舉寶鐸
風吟睟容如在神儀儼若景朝日以舒鑒燦幽霄以
光伏願真資先霑七代爰以昭祐慶及見存與惠日而
長懸同定水之無竭贊歎功德而述頌云
惟佛與佛法所皆空能仁富智廣度多功有清信士產
積豐崇檀波羅密琬礪雕龔輪高擢露鐸迴吟風睟穆
如在與天地終福霑一切於何不隆

太極元年四月八日建

弟燕州大雲寺僧智崇 妹明度寺尼護念

弟義冲陪戎副尉上柱國

弟義隆昭武校尉上柱國雍州興國府右果毅都尉

合家供養

右碑題大唐易州石亭府左果毅都尉薊縣田義

石浮圖頌太極元年四月八日建為文者歷陽丞

利貞也考唐書地理志易州軍府有古亭無石亭

字相涉而誤爾府兵之制唐中葉已廢地理志所

諸府名已不能詳雍州置府百三十一志止得其十

一餘皆逸之此碑末載義起弟義冲雍州興國府右

果毅都尉於是又知有興國府之名故史家不可以

不博聞也碑以薊為薊亦異文 潛研堂金石文跋尾

史公石像銘

石刻銘處橫廣二尺二寸四分高七尺共十五行行十三字正書

唐故將軍柱國史公石像銘

口從戎旅竭鯁忠誠居家有理理之風在職著勤勤之德屬西蕃獻屢入和親遂建鴻勳名芳麟閣自謂年逾耳順求闕泉扃痛深巾札之情悲愴竟諧之道今罄盡家資為造功德伏惟幽途所感昭察志心光其不朽之

名以表芳猷之勳嗚呼哀哉乃為銘曰

日轉星迴暑往寒來陵夷海變功立人摧痛悲總悵哀

結夜臺千秋芳万歲厥德芳隆該

延和元年歲次壬子七月戊辰朔十日壬午夫人

襄邑縣□□氏建

邛州刺史狄公碑

碑僅存上截連額高六尺七寸廣四尺七寸三十一行字數無考正書篆額

大唐贈使持節邛州諸軍事邛州刺史狄公之碑并序

君子進德修業以佐時哲后求賢審官以成務有才無

命賈問服於長沙□下程昱既卒雖增車騎之榮劉毅

云亡徒表直臣之禮□而追贈何補袞章□下后穆克

播靈苗承積德之鴻休憩基王之茂緒周封孝伯因受

氏於狄城孔_下代龍馬浮江九州幅裂四溟版蕩樂平

公出將入相豹變於秦庭□□□□下虎賁屈潘岳之

才坐悲秋興曾祖叔湛魏平西將軍□邑子齊□□□

□□下專征卷懷庸蜀建旛作牧首登循吏之科開國

承家俯入功臣之□□□□下緒唐行軍總管大將軍

金紫光祿大夫尚書左丞使持節邛州諸軍事□□下

傅長虞嚴持左轄八座澄清蔣子通常侍乘輿萬機宏

益六條出守鎮梁□下臨穎公之第五子也龍章鳳姿

地靈天縱神情秀發則白日雲□□□□下黃絹之詞

敬業樂羣早茂青襟之譽起家以國子明經擢第補東

宮內直口下州司兵參軍兼鄭王府兵曹參軍漢川南

紀總錄衆曹鄭口東門職司鍵閉下封降彼親賢守茲

陘隘大開藩邸博訪英髦口授口口梁州都督府錄事

參下坐君不與焉豈惟魯國僑親每慙田叔汝南人吏

常畏范滂而已乎俄除越下州鄭縣令竹箭長瀾浸于

關輔蓮花峻岳鎮若都畿口恕之理宏農睢聞惠下周

景之題輿御王祥之別乘屈汝頰之高節口理譙都振

海沂之康歌表清下之寇盜更相劫掠久患兼并爲官

擇人非君莫可卽除夔州都督府長史口下沸鼎而游

魚知懼招集亡散戶口口增敦勸農棄京坻歲積愆

口口口口下朝廷籍甚 璽書優洽坐望公車佇登

廊廟豈口祇延二豎夢奠兩楹口下郡吏口攀更甚

遵之死 口口口魏文之錄舊孝周禮之易名贈使

節下鳳皇于飛生享從夫之秩蛟龍既沒死偕同穴之

榮初封太谷縣君追贈口下而好學有黃童之俊逸世

号無雙有顏子之庶幾其推知什容口端肅識口下欲

彌諧口道口亮天工作神化之丹青爲 聖朝之

元凱豈知口隨有下死贈嫡子故口書令尚書右僕射

贈司空梁國文惠公明謨光於

帝下宅北以為

崗巒起伏雖封白玉之棺陵谷遷移須勒黃金之碣顏

齡溘謝敬下性之酷惟孝將成父之志見何口之羸毀

孰不哀憐頌陳寔之口歎吾無愧下

上實知禮義存載籍口為巨儒志在宏益其秦推樂平

魏得安成伏波曜武臨下年短折散騎常侍匡時杖節

武帳前鋒文口左轄戡濟寓縣肅清朝列盛德下總錄

望重諸曹非君作宰誰與操刀其刻本吳縣鄭稱京輔

銅墨外臨口絃下岷波万勞刺割載穆康歌青江瀨漾

赤甲嵯峨賓渝始附寇盜仍多微我君其來集卧龍不

起一歎頽山長悲閩水其恩覃死贈禮口哀榮冥寞口

穴昭彰下

右邳州刺史狄公碑諸家未有發明文中有嫡子

故中書令尚書右僕射贈司空梁國文惠知為仁

傑之父無疑梁公一代偉人而新唐書已不能譜

其世系碑又復斷闕不全邳州君之名已亡可見

者曾祖叔湛魏平西將軍口邑子又曰緒唐行軍

總管大將軍金紫光祿大夫尚書左丞使持節汴

州諸軍事又曰臨穎公之第五子也起家以國子

兵曹叅軍梁州都督府錄事叅軍俄除越州剡縣令華州鄭縣令又除夔州都督府長史卒贈使持節邛州諸軍事邛州刺史舊唐書狄仁傑傳載祖孝緒貞觀中尚書左丞父知遜夔州長史而不載叔湛宰相世系表則云狄氏爲孔子弟子狄黑裔孫漢博士山世居天水後秦樂平侯伯支裔孫恭居太原生湛東魏帳內正都督臨邑子孫孝緒此碑云叔湛表脫叔字而碑于邑子上泐一字乃臨字也惟叔湛歷官表與碑不同叔湛孫孝緒碑尚存緒字泐其上一字乃孝字也仁傑傳稱孝緒爲祖知遜爲父則孝緒爲知遜之父此碑所稱邛州刺史卽知遜也据碑邛州刺史是贈官夔州長史是最後歷官仁傑傳蓋略其贈官也然世系表稱知遜爲越州刺史据碑當除越州剡縣令並未爲刺史則表誤矣碑云爲臨穎公之第五子臨穎卽謂孝緒表稱孝緒官尚書左丞封臨穎男也碑所叙叔湛以下及知遜稽之魏書北史兩唐書皆無傳仁傑傳稱仁傑孝友絕人闕立本薦授并州都督府法曹其親在河陽別業仁傑赴并州登太行山南望見白雲孤飛謂左右曰吾親所居在此雲

下瞻望停立久之雲移乃行其親卽謂知遜也此碑缺泐其居河陽別業事不可得見矣然猶賴有此碑可以略見其父之事蹟宋時狄襄武不欲自附梁公後則似狄氏譜牒宋初猶存歐宋撰唐書槩置不錄并劉史傳所載盡刪之何也又據杜工部詩集有寄狄明府博濟詩朱鶴齡注云當是大歷二年夔州作詩有云梁公會孫我姨弟不見十年官濟濟大賢之後竟陵遲浩蕩古今同一體比看伯叔四十人有才無命百竅底今者兄弟一百人幾人卓絕秉周禮然則梁公之孫有四十人曾孫且百人其子當不止三人而世系表所載梁公之子僅光嗣光遠光昭孫且缺而不書曾孫只博通一人此下惟元孫元範一人餘俱不載是狄氏之譜牒在唐時已多缺略矣此碑無立石年月傳稱仁傑中宗返正追贈司空睿宗追封梁國公碑已有嫡子司空梁國之語是當立於睿宗時玩銘序之末有惟孝將成父之志云云是梁公卒後其子體梁公之志追立此碑也梁公子三人碑所稱惟孝者不知是何人矣

謝安嘗不眠是日人矣
千載采公之志
泉之末言
曰百餘年
醉之於中
之謂烈
一一人也
之千
將且百人

金石萃編卷七十

賜進士出身 誥授光祿大夫刑部右侍郎加七級王昶讓

唐三十

馮本紀孝碑

碑下闕一字連額約高八尺九寸三分廣四尺一寸二十六行行五十字隸書篆額今在高陵縣

大唐故亳州錄事參軍事上騎都尉馮府君紀孝之碑

正議大夫口口口書少口口口朝隱撰

嫡子銀青光祿大夫雷直昭文館上柱國長樂縣開

國男敦直書

夫元亨利貞開物之細鍵也典謨訓誥設範之源流也

變通周於三古而□□其情浸潤洽於九區而人乘其
 利□□之播歲探其微如籥之折日取其半萬代而不
 盡□府君之道歟□府君諱本字□□長樂信都人也
 周之爲主天子授曰丕基晉則有人丞□登其寵渥自
 後衣冠代起組綬駢驅邦家必聞出幽都而獨秀名教
 可樂入魏國而先鳴□曾祖□後魏外兵參軍北地郡
 丞昂藏絕羣耿介負俗其功可立思與主而吁噓其道
 不行視危邦而傲睨□祖悅宇文朝驃騎將軍定安□
 郎中令與隋文帝有舊辟命不出去病曰威名動俗昇
 之驃騎雖齒曰故舊生費封曰什方國步重清出爲嘉

州峨嵋縣令仁恩浹於旋靴信義流於闔棺□父賢隋

拔書郎國初率子弟應接義旗加通議大夫檢校定州

北平縣令蒼疋篆籀之指歸陰陽數術之城府莫不備

窮製造妙盡精微建功則與天會畱委質□□□□

□重規沓矩驥□鳴飛爲珠則漢水聯華爲玉則崑山

動色□公波瀾萬仞節目千丈□衣譬水見耕升之爲

文鼓□□□□□成字草隸斯盡筋宗備存或取

以龜圖或詳諸鳥跡或理窮靈妙或思盡豪苾以□□

形穎脫於苒載以之會意□□□□□□□□解褐

利州參軍徙絳州參軍穎丁憂去職結廬在墓負土成

墳父兮母兮鞠□□我取敬取愛以尊且嚴事□□□
 □□□□茶蓼陟屺帖而不見行碎肝□僅全毀滅之
 中重起簪裾之內服闋遷淄州錄事□□乾封中入計
 上臨軒問□□□□□□□□王是臨奇獸不入
 九十百為日月歲資艸枯盡有為之門倉垣虛不急之
 事□□庾壹粒積成九稔之儲露□□□□□□之
 產 陛下以損為未損微□□呂安為未安爰下 天書
 載收炯澤有犯無隱皆□□也尋擢亳州錄事參軍如
 □□□□□□□□ 如網提緇得烏期於一日功無
 所蔽過無所容巡察使以清白聞秩未進於□□名已
 登於岱錄呂咸亨四□□□□□□□於官春秋六十
 有四人吏傷心仰徽容其若疾友朋交辭顧支體其如
 失 夫人恒農揚氏繼夫人上□□□□□□□□
 交接為國則主字齊封陽數奇陰數偶呂久視元年五
 月廿二日合祔於 先塋禮也嗣子銀青光祿□□□
 □□□□□□直昭文館疾直曾與至孝閔□醇心公
 才備於四科 帝獎隆於三篋若韋□□銘寶器若李
 斯之篆銅人挺生閒起角立傑出兼張華之博物若孔
 充之深慎剖析疑滯則明鏡見膽鎔裁得失則利劔吹
 毛□□劬勞未盡凶極之報匍匐感咽庶祈不死之文

朝隱竹簡舊遊蓬山遺老有企無愧考行直書迺銘其
言俾刻於石冀東鹵南□□夫子之墳焉其辭曰

爪瓠繇一系於周季畢公是出畢萬是遷仕晉何代封
魏何季食菜命氏馮鄉有焉苻運代起水火夏□□燕
稱孤入魏爲相士流模楷名教宗匠冠冕搢紳允歸時
望光二郡丞挺生其後昂藏獨得耿介自守辭疾丘園
養高林藪雖卽干駟非義不受赫一騾騎聲雄五都盈
尺美玉徑寸明珠盧縮卽舊雍齒何辜或出或處與時
並驅爰降異靈是生良宰陰陽數術篆籀文彩擣鷲未
振潛龍有待呂忠事君其跡斯在鳳鳴有鳴□□有駒
鳴鳴鏘一駒行昂二登□□胄子擢於上庠參卿軍事其
道逾光盡節匡肯受命河洛典茲制舉繩違景毫物情
刻剋代務□□無謂我固藏舟於壑哀一嗣子憐二餘
生孝友成性忠貞令名通於天地感於神明冀搖雄筆
以紀頌聲千秋萬歲灌木豐草子孫盈門軒車□道或
青或紫呂拜日掃披其遺文與天同老

先天元年歲次壬子十一月景寅朔□日壬申封

饒□□□西慎非鐫字

右碑中斷金石家以上截作亳州錄事參軍殘碑下

截作紀孝碑者非是

關中金
石記

右亳州錄事參軍馮本紀孝碑在高陵縣碑已斷中
央損五十餘字撰文者名朝隱而闕其姓考唐書文
藝傳閻朝隱先天中爲祕書少監此碑文云朝隱竹
簡舊遊蓬山遺老題銜書少二字可辨祕字亦存其
半知爲閻朝隱無疑也馮君卒於咸亨四年以久視
元年葬先天元年樹碑距葬時已十三年矣碑爲嗣
子銀青光祿大夫留直昭文館敦直所書歐趙諸家
俱未收錄顧氏記金石文字始錄之又別出亳州錄
事參軍一碑其實卽此碑之上半誤分爲二目碑書
體作峽敦作篆皆別體

潛研堂金
石文跋尾

按銘誦云瓜瓞縣縣系於周年畢公是出畢萬是
遷仕晉何氏封魏何年食菜命氏馮鄉有焉通志
氏族略云馮氏姓纂云周文王第十五子畢公高
之後畢萬封魏支孫食采於馮城因氏焉漢書秦
末馮亭爲上黨太守入趙其宗族或留潞或在趙
秦丞相去疾御史大夫劫漢博成侯母擇竝亭之
後也碑敘先世大略與此合祖悅父賢周隋書俱
無傳碑稱父賢蒼正篆籀之指歸陰陽數術之城
府又稱公善草隸或取龜圖或詳鳥跡稽之書譜
俱不載此碑爲嫡子敦直隸書足徵其家學淵源

矣

契苾明碑

碑高一丈三尺五寸廣六尺共三十六行行七十七字正書額題大唐故大將軍涼國公契苾府君之碑
篆書今在咸陽縣

大周故鎮軍大將軍行左鷹揚衛大將軍兼賀蘭州都督上柱國涼國公契苾府君之碑銘 并序

肅政御史大夫上柱國婁師德製文

左肅政御史殿元祚書

原夫哲后時乘聖人貞觀必俟風雲之應以光朝列允資棟榦之材式隆王道若乃傑出文武挺生才俊道符

忠孝性口清白口視於口賈之前獨步於韓彭之上肝響名教蟬聯口組許口焉可儔金張莫能匹四海慕其風範千里仰其談柄玉質金箱探蹟索隱沒而不朽其惟賀蘭都督涼國公之謂哉君諱明字若水本出武威姑臧人也
聖期爰始賜貫神京而香逐芝蘭辛

隨薑桂今屬洛州永昌縣以光盛業焉原夫仙窟延祉吞雹昭慶因白鹿而上騰事光圖談遇奇峰而南逝義隆縑簡邑怛於是巨精鮮卑由其褫魄恤靈於前涼之境茂族於洪源之壑良史肅焉此可略而口也曾祖哥論易勿施莫賀可汗遞襲珪璜夙傳弓冶共棲梧而比

翼與良玉而齊價濯如春柳勁逾霜竹英名振白山維
圖光紫塞祖繼莫賀特勒積代爲英傑之先光圖絢史
保家爲名教之首口今口昔宏材膠葛洪源浩汗映竹
史而騰芬綴綿書而擅響父河力鎮軍大將軍行左衛
大將軍檢校鴻臚卿檢校左羽林大將軍上柱國涼國
公贈輔國大將軍使持節并汾箕嵐四州諸軍事并州
大都督諡曰口公崇積膏腴門標英偉發言會規矩動
容成措則學該流略文超賈馬威青海而安白道光三
部而截九夷揆務口司爲羣僚之宗口膺榮蘭錡成立
戎之准的而鐘漏斯盡

而贈崇班聿加千里之

榮俄處六條之位哀榮之禮旣洽朝野式瞻送終之典
更隆搢紳翹德公赤野生姿青田矯翰家蓄古賢之操
門傳高士之節季甫一歲殮上柱國封漁陽縣開國公
食邑一千戶八歲起家殮太子左千牛十一殮朝散大
夫太子通事舍人裏行十二殮奉輦大夫若夫紫禁青
規之所必擇賢而方殮口玉階金闕之前實高門
之口處所以榮加髻帥澤及綺紈鳴玉錯金光前映後
乃人物之儀表實衣冠之領袖重以河山險要惟賢是
居爪牙任切非親莫委麟德季中殮左武衛大將軍賀
蘭州都督自非承家葬口累代衣纓焉可內奉口口外

鷹刺舉者矣相府在藩爲口州道元帥以公爲左口軍
總管侍中姜恪爲涼州鎮守大使以公爲副然則朝端
妙選實佇異能望重材高允膺僉屬後以鼈海未清虬
川尚阻戎車所及口口英將從中書令直敬元征吐蕃
公爲口口道絕口口於是南討吐蕃北征突厥累摧兇
醜勲績居多後狼山及單于餘黨復相聚結奉
制討擊應時平殲前後賞勞不可勝紀改旆左驍衛大

將軍襲爵涼國公食邑三千戶賜錦袍寶口金銀器物
雜綵綾錦等數千件旆長男從三品以酬功也仍改爲
燕然道鎮守大使檢校九姓及契苾部落公倣裝遵遠
望赤水而前驅勁騎騰空指白蘭而長鶩左縈右拂八
校於是爭先斬將舉旗口軍以之作氣遂得降

絲言以隆爵命自

而府而錫珍奇金貝咸紆繒

錦交集列鼎而光祖祚分茅以惠子孫策勳居宥又旆
鷄田口大總管至烏德口山南口降二萬餘帳縱使李
牧寧部口口和戎推昔揆今當季冈二尋旆右豹韜衛
大將軍未幾復改旆左豹韜衛將軍并充懷遠軍經略
大使又依舊知燕然道大使公高望重亟膺擢擢口人
之譽聞於朝野惟
大周革命重懸口口擢旆鎮
軍大將軍行左鷹揚衛大將軍餘竝如故有
制

日鎮軍大將軍行左鷹揚衛大將軍兼賀蘭州都督契
苾明妻涼國夫人李柔順成姿幽口植性率循婦德每
口於口口叶贊夫家必存於忠義既竭由衷之請宜覃
賜族之恩并及母臨洮縣主並蒙賜姓武氏公侯必復

河洛胄賢屬

寶運之開基接

仙潢而錫

派惠貞無替口口金氏表口承

口口高石口後

稔朔方道摠管兼涼口肅瓜沙五州經略使度玉關而
去張掖弃置一生瞰弱水而望沙場橫行萬里幄中有
策闔外宣威豈直操履冰霜固亦心符筠玉名高一代
氣逸九霄者矣既而口寇逝川俄結頽山之口將軍大

樹行聞斷石之嗟悲夫以瑩璧元季臘^甲廿三^乙遭疾

薨於涼州姑臧縣之里第春秋卅有六 制曰悼

往贈榮經邦之懿典飾終加等列代之徽猷諒以褒德

口能念勞追舊者也故鎮軍大將軍行左鷹揚衛大將

軍兼賀蘭都督上柱國涼國公契苾明理識開舉局量

沉雄家著勤誠代彰忠懇早膺朝寵夙紹庭規秩峻銜

殊寄隆賜鉞入口巡口口慎之譽必聞出綏藩落威惠

之聲兼濟口戀不畱夜舟俄徙未窮遠略奄謝昭途肅

想嘉庸良深矜歎宜申殊澤式旌幽壤可贈使持節都

督涼州諸軍事涼州刺史餘如故賜物三百段便於涼

州給付所緣葬一事以上竝令官供仍口涼州都督府
長史元仁儼監護仍令朝散大夫通事舍人內供奉邊
懷秀弔祭旣而居諸身遠宅兆攸資金臯泛泉玉鷄伺
旦粵以

大周萬歲通而元季歲次景申八庚

午朔十五申葬於成陽縣之先塋禮也禮司諡曰
公夙承門闕早踐通班茂績昭宣聲望顯著學該流略
藝摠兵鈐以孝安親以忠奉罔終始如一存沒不渝旌
善易名宜彙典寶按諡法寬樂令終曰靖請諡曰靖公
惟公降淳粹而蓄環奇稟清忠而挺才望韶儀淹雅難
窺於得失逸調清通不測其涯涘抑揚人傑彫績士林
等桃李之無言若朱藍之在性先仁而後己鄙利而尚
賢亭亭有千丈之幹其高非易仰汪汪如萬頃之陂其
深不可測有碩學焉有令問焉擅班馬之雄辯蓄靈虵
之雅作逸氣上煙霞之表高名振朝野之際五公七侯
之盛僅可執鞭曜蟬鳴玉之榮纔堪捧轂如揚彪之承
伯起若班固之嗣叔皮加以懸榻翹賢分庭接士衣裘
輦馬朝成夕費兼濟之性光映人物乃構厦之良材映
車之名寶者矣夫人唐膠西公孝義之長女也齊輝婺
彩擢榦瓊枝莊敬率由於自然抑揚女史溫柔稟之於
本性光輝內則旣而確劔潛鋒崩城起恨毀瘠逾於大

禮攀髯泊乎剪髮夷夏足其悲哀搢紳增其慘感屈已
而遵女誡飭躬而宣婦道可謂承家稟訓執仁口行者
歟長子左豹韜衛大將軍兼賀蘭州都督上柱國涼國
公從次子右武威衛郎將上柱國姑臧縣開國子嵩右
玉鈐衛郎將上柱國番禾縣開國子崇等竝早涉義方
夙延庭訓孝心冥弊至德純深口口口纏憂先口空口
充窮盈感孺慕增悲棘口由乎絕口樂毀幾於滅性可
謂至道冠幽明窮迷傷骨髓哀踰辨踴獨超前輩雖凶
極之誠踐霜露而逾感相質之重映今古而垂裕是用
傍求翠琬式樹豐碑家風祖德居口在斯用以光土行
用以芳本枝歷千秋方無斁經百代方無虧銘曰

東井蒼蒼西土茫茫而開分野壘列封疆門多英毅代
產忠良偉哉人物分乎典章其前涼後涼乃祖乃父赫

弈冠蓋蟬聯文武金箱玉質光口口輔至德符孝貞心

翼主其可汗嗣口抑揚流口業盛口昆道隆前裔遐迩

欽挹夷夏欣戴四海英髦共推貞槩其特勤垂裕搏風

振翼孔席申歡嵇松比直智水游泳仁山止息討本尋

源斯標岐嶷其毅公雅口莫之與京既忠且孝王佐人

英研精流略指口良平昭昭餘慶恤鷹膺榮其挺生異

材齟聿振響未盈小學亟承恩弊門闕易隆墻仞難仰

學行無敦名實逾廣其露冕關河式清邊傲遠宣威德

聿敷名教口彼夷落鎮茲口要人口德字窮口盡妙其

綏邊寄重尤資望族顯允奇材悠然嗣福外清荒憬內

膺榮祿揔戎之寄聲連祕牘其說說于隰屢警邊城侵

口躍馬槩口揚旌橫雲列陣背水開營未經干其俄夢

兩楹其口駕口留居諸易口旋懸口珮遠傷埋玉松蔭

隴兮均青草榮墳兮吐綠式鑿貞窆以光勝其闕

先天元年歲次壬子十二月十六日辛亥孤子息特

進上柱國涼國公嵩立

明契苾何力子也婁師德製文殷元祚書筆法亦癩

勁可觀碑中契苾何力作河力史諡曰毅疑史為誤

碑中敘明子前曰長男從后曰聳二字自相牴牾且

明長子從襲封涼公而后云孤子息涼國公嵩立又

何也明葬於萬歲通天元年碑立於先天二年仍稱

大周革命仍用武氏製字都不可曉石墨鑄華

此碑立於先天元年十二月乃元宗受禪之後其中

特勤字再見皆特勒之訛按北史突厥傳大官有葉

護次特勒唐書突厥傳可汗者猶古之單于其子弟

謂之特勒通典同温公通鑑考異曰諸書或作勒勤今從新舊二唐書迴紇傳依

託高車臣屬特厥近謂之特勒無君長契苾何力傳
父葛隋大業中繼為莫賀咄特勒隋書高祖紀突厥
雍虞間可汗遣其特勒來朝李崇傳突厥遣使謂崇
曰若來降者封為特勒史傳中稱特勒者甚多此乃
作特勤又柳公權神策軍碑亦云大特勤温沒斯此
皆書者之誤若其中有云玉質金相作箱鷹揚字前
从木後从才又其小失也

金石文
字記

右契苾明碑按史何力十三遷為本輦大夫碑作奉
輦大夫當以碑為正碑云公三子長曰從次曰嵩次
曰崇史云聳襲爵碑稱涼國公從固矣碑末又云涼

國公嵩立父碑何也且從古碑文無父碑二字考開

元改元在先天二年之十一月立碑在前猶稱二年

題云大周者明蓋葬于萬歲通天之元年必葬時製

文及書故云大周革命并用武后所製之字也

金石
錄補

右碑在縣北五里雙泉洞微東北上崖字近下面碎

落僅可意會識之上面則猶初然也

咸陽金
石遺文

按唐書契苾明傳悉與碑合石墨鐫華云長子襲封

涼國公而後云孤子息涼國公嵩立又何也明葬於

萬歲通天元年碑立於先天元年仍稱周革命仍用

武后製字都不可曉金石文字記亦以此為疑愚謂

金石錄卷之十一
此蓋明葬時妻爲之製文殷爲之書是以稱大周用
武后所製字其碑中稱李孝義爲唐膠西公以在周
時不得不稱唐也碑文已書而未立至先天二年始
立耳不然婁師德卒於聖歷元年至先天元年已十
餘年矣焉能起而爲之製文其先天元年數行書法
似別出一手且所書俱不用武后字可爲明驗無疑
至立碑乃次子嵩或製文書碑時三子無恙至先天
時聳已故焉知非次子嵩襲爵葬時嵩與崇不過子
爵今嵩稱涼國公涼爲契苾氏世爵此亦一明驗史
記言聳襲爵不言嵩又襲爵何知非史之闕耶

雍州金石

記

右涼國公契苾明碑文稱長子左豹韜衛大將軍兼
賀蘭州都督涼國公名已漫漶然上半從字猶依稀
可辨据唐書本傳云子聳襲爵則是聳字但此碑前
云授長男從三品而次子嵩崇爵名皆從山又疑當
爲嵒字蓋卽嵒而移其山於下耳末題先天元年十
二月十六日孤子息特進上柱國涼國公嵩蓋立石
距製文之時已十有六年長子沒而更以嵩襲公爵
亦史所失載也碑用武后新製字惟府君之君聖人

貞觀之聖仍書本字

潛研堂金石文跋尾

唐時單于稱可汗其次謂之特勤又或作勅勤亦謂之特勒按北魏書有宿勤明達北史作宿勒其誤與

此同

關中金石記

余近得拓本僅得其半就文內與史有可參校者新唐書明本傳年十二遷本輦大夫今碑作稭奉輦大夫稭卽授字亦作稭百官志掌輦四十二人奉輦十五人然則本輦亦依碑作奉輦而史云擢嫡子三品官下云子聳襲爵今以碑証之有云稭長男從三品與傳同下文列明子嵩崇等並以行次從山而史但作聳誤也明父史作何力此碑何作河蓋漢碑何多作河如

吳公碑逢盛碑柰何字皆作河則何與河古用字亦可通也碑立于先天二年十二月爲元宗受禪已後故碑首行云式隆王道隆字闕中畫又有堦壘元年堦卽證唐君臣正論武后改易新字以永主久王爲證此又以永主人王爲證授堂金石跋

按契苾明爲何力之子李義山詩集有贈別前蔚州契苾使君詩原注云使君遠祖國初功臣蓋指何力父子也義山爲文宗時人距國初二百餘年則與義山同時者必是何力之八九世孫玩義山詩云夜掩牙旗千帳雪朝飛羽騎一河冰則亦有

戰功可紀卽其高曾之世亦似有勤王之功著于
實錄詩故又有奕世勤王國史稱之語惜兩書不
載其文故附記于此

周公祠碑

碑高七尺廣三尺五寸五分二十七行
行三十四字正書篆額在偃師縣學

周公祠碑并序

朝議郎行偃師縣尉賈口義撰

原夫陰陽不測之謂神變化無窮之謂聖聖也者範圍
天地口萬物口不口其功神也者探賾窮冥降口口而
不口其惠持太靈之幹運日月口明振中古之彝猷乾
坤合度盛業冠於百代美化流於四國其口也口我爲
光輔其逝也薦我爲明口所謂有始有終可久可大者
也公字朝明文王之子武王之弟成王之叔父也昔堯
臣以披口踐祚初開口地口宜殷伯以積惠累仁終剪
格天之業口太極而承元吉資中和而誕賢聖知微表
於幼顏繼體分於正氣兵戈已偃西周之靈數攸歸宅
土口封東魯之衣冠允集故能勤勞家國翊亮台衡植
珪璧而拜三壇御冕旒而朝萬寓鳴鴉救其衰亂狼跋
明其口始尊嚴其父孝理也炯誠其子卑牧也七月艱
難陳業也三年征伐敘功也復子寶口不虧忠敬之誠

開我金勝迺得風雷之意於是測四方以定都邑分六
職以明典刑制□□□安上理人則俎豆之□行揖讓
之儀備制大樂以移風易俗則和感之音暢舞詠之情
宣詳八卦而究精微演六爻而告疑□所謂極深研精
立功成器以爲天下利者也敢問元王之惠何以加於
□乎若迺示諸仁藏諸用道藝可以激揚今古軌摸可
以粉澤人倫懸寓煥□不假一二談也嗟乎天道有盈
虛人事有口沒猶使百年黎庶讐軒帝之威靈四序蒸
嘗用君王之典則非天下之至聖孰能與於此哉偃師
縣祠堂者按圖經云後人懷□恩所置也負陽岑之巖
險面通谷之縈紆四水以爲川二室以爲鎮重檐累拱
登玉戶而三階洞室迴廊列金楹而四合壽宮肅肅備
物巖巖宛若居攝之仁明穆如行化之易簡孝若之俳
佃庭廡未足替其精微靈均之倦玃階除不能訶其恠
異易稱王假所以致孝享詩稱天作所以祀王公崇敬
則遐迕同臻嘉祥則賢愚共被若迺日之吉辰之良銀
鞏繡軸溢通莊會舞安歌紛滿堂樽酌奠芳蚪桂瓊鏘
鳴兮琳瑯下禱戴方介福上歆馨兮樂康雖盛凝之持
戒練心傾愜不怠劉長之去邪歸道拜謁逾勤正直聰
明於是乎□□以癸丑秋末迄于甲寅夏首西郊不雨

南畝允陽八溪以□渚濱河罕植青草九重以握珪
沉璧□□華闕□無鶴立之微田夫有狼顧之懼尹
上柱國武威縣開國子隴西李傑山河開氣廊廟宏材
允四海之具瞻哉三川之具化西京佇潤稍□分陝之
郊東都思理再臨惟洛之邑奸豪懲而疑滯剖鯁寡悅
而禮義行惠澤布濩頌聲洋溢正議大夫行少尹護軍
彭城劉禎正議大夫行少尹上柱國博陵縣開國男□
元□竝星象之杰衣冠之秀器惟經國六藝襲於班揚
□以佳時令望早於臺閣佐官司錄柳齊物等竝陟遐
自述始當州府勞瘁十用才終踐公侯之望朝請大
夫行令博陽縣開國男彭城劉體微金枝玉葉之門上
善通賢之量歷雙臺之鯁直闡雷邑之風□□義□欺
兼并自息通直郎行丞王鈍朝議郎行主簿李循古承
議郎行尉崔延祚莫不珪璋比惠麟鳳成文藏用於東
畿安卑於西亳咸以分官濟俗共理經邦欽若
皇情特憐黔首吁嗟廟宇申至理之馨香拜起靈壇奠
明祈之蘋□誠敬如在神聽無違言未畢而布油雲禮
未終而澍甘液三農有慶八政□□□□□□□□
□□而家邦可制非聖人之利物豈能與於此者是有
黃髮兒齒之徒相與而稱曰昔文翁以化漸蜀川猶存

負陽岑則祠卽爾朱時所營造由其廟焚以後唐猶依其故址也碑又云以癸丑秋末迄於甲寅夏首西郊不雨南畝亢陽按新唐書元宗紀開元二年五月壬午以關內旱求直諫云云據此則東都亦旱矣史文或有關記也五行志開元二年春大旱按碑云癸丑秋末迄於甲寅夏首則旱已隔歲非僅一春旱也文內有云公諱旦字朝明公字他書皆無聞獨見於唐碑疑皆後人附會之詞不足據今府志採入謂補史傳之闕蓋失斟也

偃師金石遺文記

右周公祠碑朝議郎行偃師縣尉賈口義撰文多漫漶不見書人姓名詳其文義蓋以河南尹隴西李行正少尹彭城劉禎偃師令彭城劉體微等禱雨周公祠有應立石頌之也考舊唐書本紀開元二年正月關中自去秋至于是月不雨人多饑乏遣使賑給名山大川竝令祈祭是時明皇親政姚元之當國民隱不壅于下而守令亦能勤于民事祈禱之誠如響斯蒼良足稱已

偃師堂金石文跋尾

按文載河南尹李傑少尹劉禎口元口司錄柳齊

物令劉體微丞王鈍主簿李循古尉崔延祚凡八

人獨李傑兩唐書有傳云傑本名務光相州滏陽

人其先自隴西徙馬舉明經累遷天官員外郎神
龍初累遷衛尉少卿爲河東巡察黜陟使開元初
爲河南尹勤于聽理當食無廢處斷寡婦有告其
子不孝者物色一道士接問乃與婦私殺而內於
棺濬梁公堰省功速就刊石水濱以紀績此皆見
於傳者碑所謂奸豪懲而疑滯剖鰥寡悅而禮義
行蓋約略言之也兩傳俱云以護橋陵作賜爵武
威子橋陵爲睿宗陵開元四年始葬此碑立于開
元二年已云武威縣開國子則在護橋陵之先二
年矣恐傳誤也文內凡用字俱闕筆作用當必有
所避耳

少林寺戒壇銘

石橫廣一尺四寸六分高一尺
三寸二十一行行十八字正書

唐少林寺戒壇銘 有序

三藏法師義淨製

括州刺史李邕書

粵以長安四年歲次甲辰四月七日此寺綱維寺主義
獎上座智寶都維那大舉法濟禪師及德衆是以少林
山寺重結戒壇欲令受戒懺儀共遵其處迺遂之都下
屈諸大德殷勤致禮延就山門是時我老苾芻義淨及

護律師瑳禪師思禪師恂禪師暉律師恪律師威律師
等既至寺所解舊結新僉議此邊名爲小戒標相未定
冀無疑惑于是獲鷲珎之嘉士無召自來得草結之英
賢不期而會數逾三百行道三旬其繫頸珠俱脩跣足
誠五濁之希有慕四依之住持虛往實歸紹隆無替庶
乎桑田屢改長存立石之基砂界時遷無爽布金之地
恐地成碧海領變青川迷此結辰乃爲銘曰
羯磨法在聖教不淪式傳金口是敬是遵目觀西域杖
錫東墟觀盛事而隨喜略刊紀乎斯文

開元三年正月十五日建

沙門如通立石

伏靈芝刻字

少林寺戒壇銘泰和書之最小者且刻字稱伏靈芝
乃泰和所自勒尤是其絕矜意之作然考都氏金薤
琳瑯所載文同而款特異爲南館學生張傑書余未
見張本疑不能釋豈此或繫重刻歟然觀其筆法蒼
秀定非重刻及以此本細按金薤琳瑯彼闕九字此
一字無闕其間多寡異同者又有數字然後知當時
蓋有兩刻而曹秋岳金石表亦並載之其爲兩刻無
疑也戒壇始於長安四年碑建於開元三年舊史邕
貶括州司馬在開元三年以後十三年以前然爲括

州司馬未嘗爲括州刺史也其爲括州刺史在配流嶺南後新史云開元二十三年起爲括州刺史而此銘立於開元三年正月已稱括州刺史豈兩史皆誤歟

虛舟題跋

許靈長先生跋云余見北海書數十種用筆各異唯岳麓雲麾相似此帙世不概見出奇無窮抑先生晚年之筆與每作志傳皆手自勒石伏靈芝黃仙鶴皆寓言也許故書家善鑒別以此碑筆妙并信其手勒其推重此碑如此按金薤琳琅記戒壇碑其云三藏法師義淨製開元三年正月十五日立皆同碑本獨

於書人則云南館學生張傑又注闕字凡九不似碑本之無一闕字明是李張各有一碑矣獨不應立碑之同月日也是不可解也弇州續稿云少林戒壇銘開元三年爲學生張傑書當是時傑應尚少且不以書名而筆法老成乃爾又時未盡習帝書故猶有瘦勁意此條與金薤琳琅俱是作張碑跋不及李碑誠無足怪而嵩山志云張傑書天下金石志云張傑八分書俱言張而不及李豈於李碑皆未之見耶

觀妙金石

文考略

按碑題括州刺史李邕書開元三年正月十五日

建舊唐書李邕傳中宗時出為南和令貶富州司
戶唐隆元年元宗清內難召拜左臺殿中侍御史

改戶部員外郎又貶崖州舍城丞開元三年擢為

戶部郎中時姜皎用事謀引邕為憲官中書姚崇

嫉邕左遷括州司馬新書惟無開元三年餘同唐書宰相表姚

崇元之自開元元年自同州刺史入為兵部尚書同

中書門下三品兼紫微令至四年閏十二月罷邕

以三年內擢必在正月之後其被姚相忌嫉左遷

亦在三四兩年之間其官郎中從五品至若上州

刺史從三品中下州刺史正四品下惟司馬上州

從五品下中下州從六品上邕以郎中出為司馬

故云左遷若為刺史階在郎中上安得謂之左遷

乎且碑建于三年正月十五日其時邕尚在崖州

即已內召亦當在途若文為三年以前所書似乎

由中州遠致崖州碑文非鉅製在少林亦未必若

是之跋涉遠求也頗疑所謂邕者竟是託名蓋其

時少林寺正當興建戒壇之時寺僧立碑假邕書

以取重但据傳聞邕在括州遂以為必是刺史也

若使邕自署其官豈有誤書之理且其字蹟秀潤

不類北海生不書又疑既是託名則并年月亦是

追題似建碑實在邕左遷括州司馬之後或開元三年正月十五日是建戒壇之年月日也銘詞云目觀西域杖錫東埵據上下用韻是淪遵文則當作東墳方叶韻非東埵也禮擅弓注土之高者曰墳孔安國尚書序三墳言大道也此碑云東墳卽東土之義

劉君幡竿銘

碑高四尺五寸五分廣二尺九寸六分二十二行行三十四字正書

大唐蒲州虞鄉縣令劉君幡竿銘

并序

粵我皇唐之經六合總萬方撫綠圖尊紫極九十

有八年矣實用進忠直黜佞邪尚有功任有德一臻斯道而天下密如雖堯舜之治禹湯之政對而爲語誠固何軫然以股肱要口物務殷綜俾將撫字寔冀惟良任難其人博選髦傑則有我劉公首膺榮命上口

天心詢事考言

帝俞則寄牽朱絲而就職擁墨綬

以臨人察察焉兢兢焉允允

明王之舉也故嘗以

德惟善政政在養人言念孤弱始將流涕於是設教敷化寬獄緩刑黜吏移心兇渠束手誨我子弟植我田疇庶績其凝人用片悅加以罇搖晚酌息前庭之訟端琴弄宵閑坐北堂之微月則使雙童蟹妾咸曰來蘇杖老

耕夫僉謀再偕然公以志崇靈寂契入道真悟法性空
 不生不滅解如來意無我無人則鍾鼎非度世之資軒
 裳豈出塵之具方欲潔誠洗慮高致清虛解帶抽簪遊
 累天壤迺口茲禱口發此淨心敬樹幡竿於栢梯山寺
 之西南岑也錯綜繒綺雕飾梓材匠人盡斧斤之奇女
 工窮緝繡之妙規模逾逸今古莫儔追而察之有若神
 化然則前臨峻嶠北負平原崢嶸萬仞蕭條千里風生
 北谷韻清響於禪林澗入猴池靜清流於定水長蘿絳
 日層峯擁雲幽溪不春遂壑無景殊形詭狀不可殫論
 信山岳之神秀靈仙之所窟宅然僕識口口口材行庸
 疎式踐文場猶迷闕闕初航學海未辯波潮好事必旌
 常有其志口口口寺都維那法泰上人為予傳之偉其
 事績目雖口觀耳所聽聞粉墨抽毫式銘景福其口口
 於赫有唐紹統三光功侔往帝名超上皇四海無外率
 土賓王剋明友口俗阜人康其英英 劉公恪口榮秩
 臣道斯備黃裳元吉取則韋茲性兼舒疾人口崇口口
 猶冬日其恩絕鍾鼎契入幽真念茲含識幾慟心神迺
 眷南顧廣樹冥因華幡口口日雕竿倚雲其直侵黃道迴
 瞰紫微晴虹偶影度鳥驚飛定巖孔備功德巍巍配山
 河予永固與天地而同歸

開元三年歲次乙卯正月甲申朔廿八日辛亥畢功
上坐崇簡

寺主彦琮

按碑題虞鄉縣令劉君而文中不著其名文云敬
樹幡竿於柏梯山寺之西南岑也山西通志虞鄉
縣山川條載柏梯山在柏梯村即檀山半也巒巘
懸絕連木乃陟百梯方降鑿石闢蹊憑崖標閣下
引劉行忠幡竿銘數語與此碑文合是縣令為劉
行忠矣又通志寺觀條下虞鄉縣石佛寺在縣西
南三里即古百梯寺司空圖有上百梯寺懷舊僧
詩下引虞鄉令劉行忠幡竿銘數語亦即同此碑
則此寺為幡竿之所在矣柏梯百梯想通稱也

醴泉寺誌公碑

文選本錄出碑之高廣尺寸行字
數皆無考正書篆額今在鄆平縣

大石齊州章丘縣常白山醴泉寺誌公之碑

上關京大薦福寺奉敕口慶綴文沙門元傘

上關薦福寺口口翻經院校勘沙門正智寺都維口僧

道寂建此寺

口口曇花未出庸詎知寂滅之名覺日猶口曷嘗識苦
空之相口夫金儀下降含靈口淨月之光寶教旁流口

□□□雲之潤三車□駕軒名□□□□香不息所以
 化身周流於川□□□□於塵沙或十大聲聞駐形
 未掩白足□□佛法之□□□月□咸□王城之舍蓋闕
 □生□道□境發□若不人口具□□□□諦幢高□
 考與今此醴泉寺者是宋齊下經文師即□□身之菩
 薩□遊神境來屆茲山棲託巘阿聿脩禪寂以為此地
 元武之分青龍□□□□首以開疆據天齊而劃野却
下尚父之□居九合一匡齊桓公之霸國爾其常白山
 者廼摩天□地晻映蔽虧抱泉石以娛神出雲霞而養

性山毛地髮名花將軟草連芳闕下人口□繪□□形勝

□□招提自後七級崇圖□起舍佉之才五層系□重

標戰勝之門海目山亭妙相殫於變態虹梁鳥革大壯

闕下綵畫□□塵凡□□香□水調八解之□風□五音

之說息心之輩見流注以超昇迴面之徒仰幽關而悟

入時逢□□代屬闕下金林玉□寥落幽巘我國家灌頂

四天纂圖千帝以佛乘為馬用道品為城郭八方起

塔□□道形丸□聚鹽情殷闕下佛□□此精廬□通堯

日三齊族姓向梵境以翹誠四履□□仰釋天而矯首

又屬中宗孝和皇帝龍興漢道入天經闕下周法界去景

龍二年歲次景午爰有齊州正智寺都維僧仁萬俗姓李字道寂慨茲隳墜抗表闕宗天鑒至誠特賜名下否

而還泰山靈掩以重開法俗歡康人神一悅初師之行進表也夢乘船上山及翌闕赴朝所闕無礙豈非興廢

口定通口懸期下俶裝東上將口口州口口三藏義淨

法師各代高僧天下重德先奉敕於大薦福寺口口口

律以口口口口口勝緣口城在東倍增下四口降靈

五口德口人天之表名揚宇宙之間聖口難口神功巨

測及將命星發載達京口口口口口口口口口時有

闕下身口口輟絃歌歲口口口即以二月八日親率合境

老幼大會新寺表慶天恩又於口口之口尊卑就列鴈

行齋聽闕忽見有醴泉口口口三四尺深淺三尺餘

色淨味甘爰符瑞典挹酌同飲咸覺蠲疴豈不以口福

口圓三靈允答光揚寶口滋液金場故下上聞口口垂

感有敕改名為醴泉寺仍更抽入冊九僧住持行道自

鑿波再委下題重開日殿赫而口昇月宮華而桂滿若

乃闕下海精勤以齊深戒月澄空口口密霧禪燈焰室巧

避輕風濯口口之龍口洗毗口之鳥眼長袿五佳遠効

四心刷口鴈以飛雲轡闕捨生之地續桂口口有情根

軌足方口鳴金鼓口功不朽流福無窮斯竝先帝之本

願莊嚴法師幽贊威神之所致也又師遊戲生死示

儼如親對即平時所將黑犬亦繫其口口厥口口無願

不從迺至有患心痛者但取廟前少土和水服之應時

便愈遺形是託神靈保持由是關梁寺史傳師本俗姓

朱氏金城人也少出家口口道林寺僧儉法師為和上

業存禪口宋太始初漸彰異迹居止不定飲食無時長

髮跣足每關詞同識記言不虛發應驗如神或口視通

於北口分形遍於南國奇怪忽恍不可殫論以天監十

三年歲次甲午十二月八日關相奄然示終時有異香

口口芬馥特敕厚加殯送葬於鍾山獨龍阜仍於墓所

口開善精舍敕陸倕製銘於冢內王筠勒碑於寺陰

生及其去也以精靈度物哀憐庶類福祚皇王且彼託

鍾山此依常白彼葬龍阜此口龍臺前王拙風建開善

之墳後帝傾口口醴下至今大唐太極元年歲次壬

子皇帝御天下之三載凡一百九十九年化化之緣古

今無盡明明之德日月彌新其所變現之梗概下之口

眾所未諒恭敬者隨時受福疑慢者應念立徵事迹繁

夥不可備載當嘉聲上徹先帝令左臺監察御史宋務

先親加檢覆關下八正所以知歸一屬口緣獲未曾有口

雨逐於行車仁風隨於轉扇黃金闕下追鳥跡於上乘想

□□□□□□繩寶地□動天宮薦瑞香園延光帝載

縣丞主簿縣尉□舍闕下羣物揚舲彼岸錄事□□鄉□

等門滋蘭□□□□芽忠信滿於州閭因果□於□□

□□虔命□奉闕下九地荷於津通貝樹披春帝王之遺

文秩矣金□□□諸佛之正道通矣迷津□路菩薩運

載之乘行矣□□□□□□之闕下况靈天大造充

溢於盡空淨域鴻緣牢籠於無外昔迦□□□如來垂

讚歎之□□彌勒當□□□表歌揚之偈若稽古訓式

樹□碑仍於闕下銘曰

義天兆昧優花未披但迷五□孰辨三伊□□火宅耀

我金儀神足繼軌□□揚蕤其□有□成觀方□□戴

表靈□□開闕下綱煥我寶地壞我金場花殘鷺沼煙輟

龍香霞標歇滅石徑荒涼其三萬寓乘皇千齡纂帝日月

連□飛行□契□念新□□□□高闕下精標五門玉

堦傲感銀□興存其欲赴天泉□規國德寄誠墳廟傳

詞翰墨瑞醴通流寔祥允塞重光佛□□題宸極其紺

軒加闕下沙其先帝聖靈事資神境冥扶默贊分形散影

既慕彼山又墳茲嶺寶鐸雙振金繩共炳化□□□真

身永永其功□泉□□□□□天闕下宜聞諸典故鑄金

鏤玉道該緇素式讚王猷口口淨度勒像賢劫刊碑覺

路其

開元三年歲次乙卯二月己酉朔十五日癸亥下

額云大唐齊州章丘縣常白山醴泉寺誌公之碑今

仍在寺中而其地已割入鄒平矣 按此所述是梁

之寶誌與陸佃文略同而口既墓彼山又墳茲嶺則

此地亦有誌公墳也按雜陽伽藍記別有一寶公豈

卽其人而作文者誤以為梁之寶誌乎不然何以一

人兩葬也金石文

常白山醴泉寺誌公碑唐開元乙卯立文作齊梁體

可辨者十之三書法圓勁在歐虞間每行凡七十九

字其下多斷豎不存其碑陰乃誌公像也池北

右碑文三十六行字徑八分下截已斷陷入跌中文

字殘蝕不全每行祇存五十四字寺在鄒平縣碑額

則稱章邱縣據鄒平縣志載鬻堂嶺在城西南三十

三里距章邱三十里以山脊為界西屬章邱東屬鄒

平今醴泉寺在鬻堂嶺之東麓宜屬鄒平想唐時章

邱界址必逾嶺而東也長白山碑作常白山醴泉寺

碑作醴原寺皆通用字醴泉在寺右百步石壁下讀

此碑知醴泉之出始於道寂修寺之年碑云景龍二

年歲次景午按中宗神龍二年是丙午若景龍二年
為戊申不知碑何以致誤也

山左金石志

馮氏婦墓誌

石高廣皆一尺三寸六分十三行行十三字正書額題唐故馮氏婦墓誌之銘篆書

唐將作監主簿孟友直女墓誌

并序

女十一娘字心河聞人也年十九適馮貞祐敬極如賓

禮優侍櫛雖靡他之誓將固於同心而与善之徵竟虧

於異物嗚呼哀哉春秋廿以開元二年七月廿日終于

洋州興道縣解舍開元三年四月九日葬于陳倉縣之

新平原禮也惟父与母恩深骨肉痛切哀憐方備儀於

幽隧用畱念于終天廼為銘曰

天道懸遠神理難明嗟彼淑譽淪乎此生荒塋月照古

樹風驚人誰不死尔獨傷情

按此石以乾隆己卯年出土從前金石家所未著錄

者

關中金石記

胡侗墓志

石高二尺五分廣二尺二十行行二十字行書

大唐處士故君胡君墓誌

并序

君諱侗字尚真安定人也遠祖曰宦遂尻介休夫棧椽

是佐鎔胡綜之文章清白知名見胡威之父子光光懿

烈不替先風簡諫詳諸可略言矣 祖買隋孝廉舉文
林郎幼洽詩書長崇禮樂太初玉樹夙擅嘉聲韋氏金
羸遽昇高第 父端養素不仕情貪野薜志篋裘裳道
王業琴跡存山水君濯濯儀彤汪軌度珠胎孕月光
彩絕倫蘭若銜風幽芳自遠鄉里稱善喻彼少游文籍
自娛同夫孟陋遺累躋滓傲性煙霄簪軒不分於懷寵
辱不驚其慮歲臨辰巳鄭康成於是云亡月犯少微謝
慶緒俄而致殞春秋七十卒于私第夫人石氏穠荷比
秀美箭齊貞宜其室家和如琴瑟翰林之鳥始雙飛而
隻飛龍門之桐俄半生而半死嗣子懷爽懷玉帖吧長
違霜露增感弩日開元三季歲次乙卯龍集單闕十月
己酉朔廿五日癸酉遷窆於介休縣東廿里平原禮也
繇上山傍昭餘澤右懼陵谷而驟易思封樹而永懷乃
爲銘曰
盤根安定散葉汾壩乃祖乃父光後光前惟君節槩業
尚虛驪鬼瞰庭宇鳥鳴座筵不逢石髓俄歸玉泉一闕
丘隴長嗟逝川

按文敘胡氏先世有曰棧椽是佐錯胡綜之文章

清白知名見胡威之父子三國志吳書胡綜傳綜

字偉則汝南固始人也仕吳主權時凡自權統事

諸文誥策命鄰國書符略皆綜之所造也傳後評
曰是儀徐詳胡綜皆孫權之時幹興事業者也儀
清恪貞素詳數通使命綜文采才用各見信任辟
之廣夏其榱椽之佐乎晉書胡威傳威字伯武壽
春人質子父子俱以清慎聞其云祖買父端則無
專可考

為漢曰其虜威稱威已難康成於之云七月犯少微

緇土山尚部籍器古豐刻谷而觀其思桂樹而張樂也
占酉應廿五日癸酉靈靈然衣木總凍廿里年取豐也
靈壽靈會想器日開示三季靈衣丁也蕭集單開十日

